

STENOGRAM

Predsjedavajući:

Himna BiH.

Prije početka ove sjednice, pozivam vas da učenjem Fatihe, minutom šutnje i svako na svoj način, odamo počast tragično preminulom profesoru Almiru Brkiću, njegovoj supruzi i kćerki. Neka im je vječni rahmet i slava.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje, ja sam izbrojao 29, neko nije dobro ubacio karticu pa vas molim da provjerite.

Izostanak sa ove sjednice opravdao je kolega Mahir Dević.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 29.05.2019.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja iste dana 10.06.2019.godine u 10,00 sati tj danas.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 4. Hitne sjednice, glasi:

1. Informacija o poskupljenju prirodnog gasa sa prijedlogom mjera za ublažavanje posljedica poskupljenja gasa na privredu i građanstvo.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Možete glasati. Molim rezultate glasanja.

ZA JE GLASALO 27, PROTIV I SUZDRŽANIH NIJE BILO. NIJE GLASALO 2. OPET PROVJERITE VAŠE KARTICE.

KONSTATUJEM DA SMO USVOJILI DNEVNI RED.

Pošto imamo ovo tehnički potrebu da sačekamo printanje za pet minuta, prije početka onda da bi se imali mogućnost pratiti u materijalima, dajem pauzu od pet minuta. Molim da se ne udaljavate iz sale, vrlo brzo će kopirani aparati. Hvala vam.

NASTAVAK NAKON PAUZE

Predsjedavajući:

Poštovane kolege informacija je da će ovaj drugi dio materijala sa više stranica malo kasniti, tako da ne možemo dobiti to minimalno 15 do 20 minuta. Pauza traje do 11,00 sati. U 11,00 počinjemo, nula, nula. Nećemo ni minut dalje. Informacija je u kojoj morate pratiti. Ovo su prijedlozi zaključaka. Informaciju nemamo. U 11,00 nastavljamo s radom. Popijte negdje kafu ovdje u blizini.

NASTAVAK NAKON PAUZE

AD - 1.

INFORMACIJA O POSKUPLJENJU PRIRODNOG GASA SA PRIJEDLOGOM MJERA ZA UBLAŽAVANJE POSLJEDICA POSKUPLJENJA GASA NA PRIVREDU I GRAĐANSTVO

Predsjedavajući:

Zahvaljujem kolegice i kolege na strpljenju. Imate materijale pisane ispred sebe. Moramo imati razumijevanja za ovu situaciju. Ona jeste bila vanredna. Nadam se da ste u prilici pratiti ovo što će nam neko od predstavnika Vlade u startu prezentirati, onda ćemo kroz diskusiju pitanja, doći eventualno do zaključaka ili se izjašnjavati o prijedlozima zaključaka koje nam je predložila Vlada. Prije samog početka moram izraziti nezadovoljstvo i razočarenje činjenicom da niko od pozvanih gostiju okje smo danas obavijestili da bi trebali prisustvovati ovoj hitnoj sjednici nije prisutan niti je poslao zamjenu koliko ja vidim. Ne mislim na naša preduzeća, naša preduzeća su ovdje, ni federalni premijer gospodin Novalić ni resorni ministar Džindić ni direktor BH gasa Jasmin Salkić, nisu se udostoljili prisustvovati hitnoj sjednici Skupštine Kantona Sarajevo niti su poslali predstavnike tih institucija. Još jednom su potvrdili kakav odnos imaju, ovo nije Skupština sjednica radi zastupnika, ovo je skupštinska sjednica radi građana Kantona Sarajevo i sramota je da u kontinuitetu imaju ovakav odnos prema građanima Kantona Sarajevo. A sada ću zamoliti predstavnika predlagача, to će biti ministar Mandić da podnese uvodne napomene i vas kolegice i kolege onda da raspravljamo. Hvala.

Ministar Srđan Mandić.

Dobar dan, pozdravljam cijenjene kolegice i kolege i posebno pozdravljam građane Kantona Sarajevo ko ji nas gledaju. Molim ih da obrate pažnju na ovo što će danas Vlada predložiti jer ovo će se najviše ticati njih. Dakle, pred vama se nalaze materijali i prijedlozi zaključaka. Ja ću samo jednu pošto je u brzini sve rađeno, ima jedna tehnička greška u obrazloženju: umjesto termina „zaključak”, stoji termin „rješenje” tako da samo ne mislite da je to u ovim materijalima koje ste sada dobili. Lijep je dan i sunčan i interesantno da se po

jednom ovako toplom danu razgovara o cijenama gasa i da li će doći do poskupljenja ili neće. Ja se nadam da će tako lijepo vrijeme potrajati dugo u jesen pa ćemo imati blažu zimu. Ja ću prije nego što pročitam zaključke ispred Vlade iznijeti naše razmišljanja. Mi smo dugo i intenzivno razgovarali. Ovo nije tema kojom se bavimo zadnjih sedam dana iako je jako kratak rok i pokušat ću vam iz naše perspektive na neki način dočarati kako mi vidimo situaciju i u kakvom se stanju taj dio energetskog sektora u BiH nalazi. U posljednjih 20 dana kako je Vlada BiH donijela odluku o poskupljenju bilo je dosta istupa u medijima i sa federalne strane i sa naše strane, kako se to zove, ja nisam baš neki iskusan političar ali to su valjda ti spinovi. Ja ću vas podsjetiti hornološki. Dakle ja neću danas ulaziti u ono što se dešavalo 2001, 2002, 05, 07, 09 itd. Jer na taj način samo oni koji pričaju o tome zbunjuju građane i pokušavaju opravdati čitav niz grešaka koji je počinjen. Ono što je činjenica, sam direktor BH gasa ne krije u kakvu je firmu on došao. Ona je praktično bila u rasulu. S druge strane na drugom kraju imate naše kantonalno preduzeće Toplane koje je u jednoj fazi svog rada dovedeno u situaciju da ima danas gubitak iznad visine kapitala, da imaju potraživanja preko 80 miliona od kojih na žalost skoro pola je upitno da li će biti ikada naplaćeno. To je stanje u kojem se mi danas nalazimo. Imate u BH gasu to nije sporno, pokušaj nekih investicija u izgradnju gasovoda prema Zenici, prema Brnjacima, to je stalo desetina miliona maraka su tamo uložene i mi još uvijek nemamo tu priču završenu i upitan je njen završetak ali odgovore na ta pitanja neka daju vinovnici tih događaja, oni su još uvijek u strukturama vlasti većina njih. Ono što je činjenica s kojom se ova Vlada suočila jeste da je negdje 10-ti dan od kako smo stupili na dužnost prva informacija se pojavila da je BH gas zvanično od Vlade FBiH zatražio povećanje cijena plina u iznosu od 31%. Vlada je promptno reagovala i resorni ministar i rekli da ne dolazi u obzir to povećanje da ono nije utemeljeno da ono može biti svega 3 do 5%. na bazi te informacije smo mi kasnije su nas optuživali da smo zatečeni. Ne, željeli vjerovati u dobru volju federalnog nivoa da će se naći načina da se to amortizuje. Odnosno povjerovali smo toj informaciji pošto oni imaju uvid u stvari koje mi nemamo i da je to realno. I za tu cifru od 3 do 5% smo se pripremali. Koncem aprila nenajavljeno Vlada donosi odluku o povećanju cijena gasa u iznosu 29% i to je drugi slučaj sa kojim se ova Vlada, to je prije možda nešto malo više od mjesec dana. Nakon toga je premijer zatražio hitan sastanak sa premijerom Novalićem, sreli su se. Nakon toga smo ponovo tražili sastanak na koji premijer Novalić nije došao, došla je delegacija Vlade, bio je ministar Džindić, ministar trgovine, jedna ekipa gdje smo odslušali, ja moram reći jedno predavanje, to nije bio dijalog, to je bio monolog kako mi nismo sposobni, kako su naša preduzeća u rasulu itd i da nema govora da Federalna Vlada na bilo koji način učestvuje u saniranju posljedica do kojih će ovo poskupljenje trebalo da dovede. Namjerno sada pominjem termin posljedice. Mi kao Vlada smo sada u prilici da se na žalost bavimo posljedicama jer nemamo mogućnost da ulazimo u uzroke zašto je došlo, zašto smo dovedeni u ovu situaciju. Na bazi svega ovoga što sam rekao, jedini zaključak koji se može nametnuti jeste da je ovo politički

pritisak na Vladu Kantona Sarajevo. Prošle godine pred izbore je bila najava i zatraženo je poskupljenje plina od 10%. tada to nije urađeno pretpostavljamo zbog nastupajućih izbora. Pretpostavljam da i u januaru to povećanje nije urađeno jer je neko pretpostavio da će ova Vlada kratko preživjeti i onda će se opet stvari odvijati na način kako su se odvijale. Međutim, kako smo opstali, dovedeni smo pred svršen čin. Ali najmanje u cijeloj ovoj priči je bitna Vlada Kantona Sarajevo. To stalno ponavljam. Ovo je udar na građane Kantona Sarajevo. Neko svjesno, a to nije na žalost prvi put, mi smo svi ovdje bili civili, nismo se svi politikom bavili, svjedoci smo kako se preko leđa građana i Kantona Sarajevo i FBiH pa i države različiti politički i poslovni promašaji peglaju. To je u zadnje vrijeme vrlo čest slučaj koji čujem od kolega s federalnog nivoa. Ova Vlada to neće dozvoliti. Ova Vlada će danas pred vas iznijeti prijedlog zaključaka da zaštitimo građane Kantona Sarajevo to je jedini motiv zbog kojeg smo predložili, nismo imali u početku koncenzus, bilo je različitih argumenata ali smo na kraju shvatili da moramo reagovati kao odgovorna Vlada i zaštititi potrošače, jer na kraju krajeva, mi pričamo o budžetima koji se pune iz novca naših građana, naših poreznih obveznika. Ovo je njihov novac i mi kao Vlada želimo da se odgovorno prema tom novcu ponašamo i da donosimo odluke koje će ići sa ciljem da se zaštite. Ova odluka također dolazi u periodu kada Vlada ima vrlo ambiciozne projekte kada je u pitanju podizanje energetske efikasnosti. O tome ćemo nešto i u ovim mjerama koje smo predložili. Mogu vas informisati a možemo i kasnije razgovarati. Dakle dozvolite mi da sada pročitam stav, odnosno prijedlog zaključaka Vlade Kantona Sarajevo koji je usvojen jednoglasno.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), Vlada Kantona Sarajevo na 23. sjednici održanoj 10.06.2019. godine, donijela je sljedeći

ZAKLJUČAK

U cilju prevazilaženja posljedica poskupljenja cijene prirodnog gasa Vlada Kantona Sarajevo predlaže sljedeće kratkoročne mjere i to:

1. Kanton Sarajevo će subvencionirati dio cijene KJKP "Sarajevogas" d.o.o. Sarajevo u periodu od 01.09.2019. godine do 31.12.2019. godine za iznos povećanja, s ciljem da se fakturisana cijena prema kategorijama kupaca Sarajevogasa održi na nivou do 01.05.2019. godine. Jedno pojašnjenje: dakle odmah nakon što je Federalna Vlada podigla cijenu gasa JKP Sarajevo gas je automatski to povećanje ugradilo u svoju cijenu i mi danas imamo situaciju da je cijena trenutno za 25% povećana. Vlada je odlučila pošto je pred nama ljetni period u kojem nema grijanja da ova četiri mjeseca, to je nešto što ne bi trebalo predstavljati poseban i zadatak

i udar na budžet domaćinstava ostavimo tu cijenu. Od 01.09. cijena koju će Sarajevo gas fakturirati prema Toplanama i prema svim individualnim potrošačima se vraća na nivo prije poskupljenja. Dakle poskupljenja grijanja u Kantonu Sarajevo do kraja godine neće biti. I to je prvi.

2. Duga mjera: Zadužuju se KJKP "Toplane - Sarajevo" d.o.o. Sarajevo i KJKP "Sarajevogas" d.o.o. Sarajevo da do 01.09.2019. godine pripreme i dostave prijedloge za racionalizaciju poslovanja i iznos sredstava koji će se izdvojiti za subvencioniranje. Dakle neće samo Vlada i Budžet Vlade Kantona snositi ovo. Preduzeća će dobiti, dobili su već i ovim ako se usvoji dobivaju zadatak da iz svoga redovnog poslovanja iznađu, a imaju ih, njihovi završni računi će biti usvojeni 30.06. nakon toga ćemo imati preciznu sliku koliko su ostvarili dobiti i koliko se koji dio te dobiti se može preusmjeriti na pokrivanje troškova. Ja moram samo napomenuti, mi ovdje nismo željeli da izlazimo sa ciframa ali su procjene da će iznos subvencije negdje do kraja godine iznositi cca 8 miliona KM. Ali dozvolite nam pošto svakako ide sljedeća sjednica na kojoj ćemo pričati o rebalansu da do tada imamo precizniju informaciju. Znači preduzeća još uvijek spremaju. Ali eto, računajte da je to negdje od septembra do kraja decembra oko 8 miliona KM neophodnih sredstava za subvencioniranje ovih stvari.
3. Zadužuju se KJKP "Toplane - Sarajevo" d.o.o. da u saradnji sa Ministarstvom komunalne privrede i infrastrukture Kantona Sarajevo i Ministarstvom pravde i uprave Kantona Sarajevo, sačine detaljnu informaciju o svim preduzetim aktivnostima kao i prijedlozima za intenziviranjem naplate potraživanja, to je ovo što sam govorio maloprije (posebno iz perioda prije 2009. godine) i istu dostave Vladi Kantona Sarajevo.
4. Zadužuje se Ministarstvo za rad, socijalnu politiku, raseljena lica i izbjeglice Kantona Sarajevo da izradi Registar korisnika ovih usluga (kupaca prirodnog gasa i centralnog grijanja), a koji bi ostvarili pravo na subvencioniranje u 2020. godini. Dakle pokušavamo se za iduću godinu pripremiti da eventualno ako bi došli u priliku da u sljedeću godinu dođemo sa istim cijenama da vidimo da razmatramo mogućnost da djelimično subvencioniranje ide i da imamo precizan registar koja su to domaćinstva i subjekti koji su u stanju socijalne potrebe koji bi eventualno nastavili biti subvencionirani. Ali o tome ćemo govoriti krajem godine kada budemo imali uvid. Do tada Ministarstvo treba da sačini ovaj registar.
5. Zadužuje se Ministarstvo prostornog uređenja, građenja i zaštite okoliša Kantona Sarajevo, Ministarstvo finansija Kantona Sarajevo i KJKP „Sarajevogas“ d.o.o. Sarajevo da nastave sa realizacijom projekta utopljanja 40 objekata do kraja 2019. godine, te da nakon okončanja ovog projekta dostave izvještaj sa svim relevantnim podacima na osnovu kojih bi se utvrdili efekti energetske efikasnosti kroz uštede energije.

Dakle ono što sam maloprije pomenuo Vlada je ilustracije radi, prethodne Vlade su uspjele za svoj mandat prethodna kantonalna Vlada za tri godine utopeliti 21 objekat. Mi ćemo samo u ovoj godini uraditi 40. to je vrijednost preko 8 miliona. Vlada subvencionira dio oko 4 miliona, ide UNDP itd. Sa ciljem da bi se smanjila konačno, podigla energetska efikasnost, odnosno smanjila potrošnja gasa.

6. Također, zadužuju se Ministarstvo komunalne privrede i infrastrukture Kantona Sarajevo i KJKP "Sarajevogas" d.o.o. Sarajevo da nastave sa diverzifikacijom centralnog gasnog sistema kroz intenziviranje završetka radova na gasovodu u dužini od 11 km na relaciji Igman – Hadžići. To je jedna od dobrih projekata koje je ova Vlada preduzela iz prethodnog budžeta bez obzira na špekulacije da li se taj gasovod eventualno ide za korisnike na Bjelašnici itd, on ima svoje opravdanje. Za nas su svi korisnici bez obzira ko su, bitno nam je što veći broj priključaka na gasni sistem. I to je projekat koji je započela prethodna Vlada, koje su u ovoj godini već je preko kilometar završen i mi očekujemo da do kraja godine ovaj projekat bude završen.
7. Zadužuje se Ministarstvo finansija Kantona Sarajevo da se u izmjenama i dopunama Budžeta Kantona Sarajevo za 2019. godinu obezbijede neophodna sredstva za subvencioniranje kupaca prirodnog gasa i centralnog grijanja. O tome sam maloprije govorio.
8. I na kraju kada su u pitanju kratkoročne mjere, Zadužuje se Pravobranilaštvo Kantona Sarajevo da izvrši analizu osnovanosti i usklađenosti sa pravnim propisima donesenih odluka o poskupljenju cijene prirodnog gasa, a posebno sa aspekta odredbi Uredbe o organizaciji i regulaciji sektora gasne privrede ("Službene novine Federacije BiH", broj: 83/07) i istu dostavi Vladi Kantona Sarajevo sa eventualnim prijedlozima za preduzimanje daljnjih mjera i radnji po ovom pitanju.

Što se tiče mjera koje se neće stići realizovati u ovoj godini koje su planirane za nešto duži period:

1. Zadužuje se Ministarstvo komunalne privrede i infrastrukture Kantona Sarajevo da preduzme sve neopohodne mjere radi obezbjeđenja uslova za implementaciju II-faze Odluke Vlade Kantona Sarajevo o usvajanju Tarifnog sistema KJKP "Toplane Sarajevo" i prijedloga modela za ugradnju 15.000 individualnih mjernih uređaja za potrošnju toplotne energije u objektima kolektivnog stanovanja. Dakle mi danas imamo potencijal da se 15 000 potrošača da im se ugrade individualni mjerni potrošači kojim bi ljudi sami mogli da koriguju potrošnju i na taj način da utičemo i na smanjenje potrošnje generalno. Sve su ovo mjere koje mi danas donosimo koje sa zebnjom iščekujemo novu sezonu i novu zimu i preduzimamo nove mjere da utičemo na smanjenje zagađenja.
2. Zadužuje se Ministarstvo komunalne privrede i infrastrukture, Ministarstvo prostornog uređenja, građenja i zaštite okoliša i KJKP

"Sarajevogas" da nastavi realizaciju projekta za subvencioniranje troškova rekonstrukcije unutrašnje gasne instalacije i za subvencioniranje troškova izgradnje novih priključaka stambenih objekata na distributivnu gasnu mrežu (u ovoj godini to je negdje oko 400 novih priključaka. Vrijednost te investicije oko 400.000 KM).

3. Vlada Kantona Sarajevo će u planiranju sredstva Budžeta Kantona Sarajevo predvidjeti sredstva za ulaganja u unaprijeđenje i proširenje sistema za isporuku toplotne energije shodno razvoju Kantona Sarajevo, u pogledu broja stambenih i poslovnih objekata u skladu sa prostorno-planskom dokumentacijom i programima javnih investicija Kantona Sarajevo.
4. Vlada Kantona Sarajevo će uputiti inicijative prema nadležnim organima i institucijama Bosne i Hercegovine i Federacije Bosne i Hercegovine za donošenje zakonske regulative kojom će se regulisati ova oblast, tarifni sistemi za transport i distribuciju prirodnog gasa, te osnivanje nezavisnog regulatora na tržištu Bosne i Hercegovine, odnosno Federacije Bosne i Hercegovine, na način kao što je reguliran sektor električne energije. Dakle, mi danas imamo situaciju da je naše tržište potpuno neregulisano. O tome sam nešto govorio. Postoji inicijativa, tu su s nama prijatelji iz USAID i spremni su da pomognu za usvajanje Zakona o gasu. To je ona priča o uzrocima, mi na to ne možemo uticati a u pitanju je državni Zakon. Ali evo apelujemo molimo i čak naše poslanike i zastupnike stranaka čiji predstavnici sjede ovdje da se kako na federalnom nivou tako i na državnom nivou ubrzaju te aktivnosti. Ovdje je sve spremno, ovo je opet stvari političke odluke. A šta znači Zakon o gasu? Dvije stvari su meni tu nebitnija. Imate Nezavisno regulatorno tijelo koje prati kretanje cijena na svjetskom tržištu i automatski ih prilagođava. Dakle na njega politika nema nikakav uticaj. I samim tim odgovor na pitanje zašto se ovako nešto već nije uradilo. Druga stvar, to isto nezavisno regulatorno tijelo ima ovlaštenja da kontroliše rad preduzeća koja se bave transportom i distribucijom. Da kada nađe neki prostor finansijski da automatski reaguje. Dakle imamo za struju DERK odnosno FERK, insistiramo i svima nam olakšavamo posao da se na državnom nivou donese ovakav Zakon. Zaista priče pošto nema državnog Zakona da moguće ga je donijeti na federalnom nivou, priče da se na tja način urušava država, premijer je vrlo dobro rekao na sastanku. Nemojte preko leđa građana u ovom slučaju da branite državne interese. Oni se mogu braniti na puno nekih drugih polja i treba ih braniti. Treba insistirati da se ovaj Zakon donese na državnom nivou što prije i tu tražiti politički koncenzus jer to je politička odluka a prednosti su ogromne. Još dvije su mjere:
5. Vlada Kantona Sarajevo će u narednom periodu razmatrati „Plan restrukturiranja KJKP „Toplane - Sarajevo" d.o.o. Sarajevo sa eventualnim prijedlogom za dokapitalizaciju Preduzeća u skladu sa finansijskim mogućnostima Kantona Sarajevo kao osnivača, na način da se, a u skladu

sa raspoloživim finansijskim mogućnostima, u narednih 20 godina izvrši postepena dokapitalizacija s ciljem pokrivanja akumuliranog gubitka KJKP "Toplane - Sarajevo" d.o.o. Sarajevo. Dakle Ekonomski institut je izradio jedan dokument, on treba da dođe na Vladu. Vlada će ga izanalizirati ako bude ga smatrala opravdanim proslijediti ga Skupštini na nadležno postupanje. I na koncu:

6. Nastavak realizacije projekta sufinansiranja po modelu energetske efikasnosti koji se implementira preko Agencije SERDA, a odnosi se na utopljavanje individualnih i kolektivnih stambenih objekata. Ministarstvo za okoliš već ima skoro 293 aplikacije da se krene. To je projekat koji se radi zajedno sa opštinskim nivoima koji nisu još uvijek spremni, to je sufinansiranje po modelu 60:40 tako da realizacije ove odluke podrazumijeva i aktivnu ulogu lokalnih zajednica. Dakle, zaključujem: suština ovoga svega što sam pročitao i prijedlog ovoj Skupštini da se usvoje ovi zaključci kako bi smo u novu grejnu sezonu ušli sa cijenama kakve su bile u prethodnoj. Dakle ja vas molim da podržite Vladu i njene napore kako bi građani ovaj put ne bi kao prethodnih nekoliko godina i decenija bili oštećeni. Hvala lijepo.

Predsjedavajući:

Zahvaljujemo ministru. Ima li potrebe neko još od uvodničara? Nema. Pitanja. Da li imate pitanja. Kolega Damir Marjanović pitanja.

Poslanik/zastupnik Damir Marjanović:

ja vam se zahvaljujem predsjedavajući. Zahvaljujem se ministru Mandiću na ovom elaboratu, na jednoj detaljnoj analizi. Ja nemam pitanja za ministra Mandića ali imam pitanja koja se trebaju postaviti ovdje i to onim ljudima koji se nisu pojavili a zbog kojih je napravljena ova sjednica jer smo od njih očekivali neke dodatne informacije. Ta pitanja će biti nekako uvid u diskusiju a mislim da ovaj dio pitanja će i Vlada i uvaženi ministar Mandić moći iskoristiti a od njih očekujem da ta ista pitanja prosljede prema ovim adresadams zvanično i da nam ih dostave u razumnom roku. Prvo pitanje definitivno me zanima analiza investicije poznate pod gasovod Zenica Travnik. Prema nekih informacija koje sam dobila ta investicija se procjenjuje na nekih 50 miliona KM. Koliko mi je poznato nezvanično i Finansijska policija se bavila time i postoji određeni izvještaji vezano za to. Pa bih zamolio naše nadležno Ministarstvo da zatraži od federalnog nadležnog Ministarstva ili Federalne Vlade da provjeri informaciju da li postoji izvještaj Finansijske policije i bilo bi mi jako zanimljivo da vidim na koji način su potrošeni ti novci i zašto ti novci koji su potrošeni prema neformalnim informacijama oko 50 miliona KM, su potrošeni u nešto što još uvijek ne radi zašto to ne radi. Drugo pitanje koje bih definitivno postavio jeste isto prema nezvaničnim informacija u 2018 godini čini mi se u prvih tri ili četiri mjeseca gubitka BH Gasa na korištenju stare mjerene opreme je otprilike negdje između 350 il 400.000 KM. Još uvijek govorim da su

to nezvanične informacije. I žao mi je što niko iz BH gasa nije ovdje da provjerimo. Zamolit ću Vladu i ministra Mandića da postavi zvanično to pitane. Onda me jako zanima novac koji se dobiva od povećanja cijene svega ostalog i u prethodno novac koji su imali od dobiti da li je ikada i 1 KM uložena u modernizaciju da se spriječi ovaj gubitak. Ista stvar zanima me vezano za jednu informaciju čini mi se da su dobiti 2016, 17 i 18 godine BH gasa bili pa poredat ću negdje 10 miliona, pa 13 miliona, pa 3 miliona i šta više imamo opet neke nezvanične informacije da su u proteklim godinama posebno u predizbornoj godini te dobiti dijeljenje u određenim, neću reći investicijama nego donacijama. Jako me zanima kako sada odjednom jedna firma koja je imala takvu dobit u tri godine je prinuđena da svoje gubitke nadoknađuje kroz dizanje cijene Kantonu Sarajevo. I na kraju imam još mnogo pitanja, dostavit ću kolegama iz prostora, na kraju jako me zanima koliko znam postoji određena investicija isto prema Kreševu prema Brnjacima koja se opet nije isplatila. Na koji način, opet neke nezvanične informacije koje na žalost i danas će ostati nezvanične a nadam se da ćemo ih dobiti kao zvanične da je tu utrošeno nekih tri ili četiri miliona KM i to kada su se prebila dugovanja sa jednom od kompanija koja više ne koristi tu instalaciju. Jako me zanima na koji način i zbog čega se to desilo i ko je odgovarao za taj gubitak. Postoji tu još mnogo pitanja vezano za Birač, postoji još mnogo pitanja za neke punionice postoji još mnogo pitanja vezao za neke ideje i planove nekoga toka prema Hrvatskoj koji bi završio slijepim crijevom tamo, ali ću ostaviti to za diskusiju. Ja vam se zahvaljujem.

Predsjedavajući:

hvala kolega Marjanoviću. Zastupnik Mirza Čelik ima riječ.

Poslanik/zastupnik Mirza Čelik:

zahvaljujem predsjedavajući. Pozdravljam sve prisutne kao i gledaoce pored malih TV ekrana. Pa evo ja ću čisto radi javnosti i nekih zastupnika koji nisu imali vremena da pročitaju materijal da nam ministar obrazloži način kako se formira cijena gasa prema krajnjim korisnicima odnosno Sarajevo gasu kao isporučiocu Toplana i svim malim korisnicima i velikim naravno. Ali evo da čujemo kako bi mogli u diskusiji primijetiti i taj način obračuna i kazati nešto oko toga. Kazati da smo od 27.05 sa delegacijom Kantona sa premijerom Fortom i gospodinom Džidićem ministrom federalnog Ministarstva, ovdje je tehnička greška vjerovatno trebalo bi da stoji Džindić jer on je Džindić. A ja koliko se sjećam bilo je i putem sredstava javnog informisanja da je 28.01. ministre ako mi dozvolite i ako možete da potvrdite da je bio sastanak delegacije Kantona Sarajevo gdje ste vi bili prisutni i premijer Kantona Sarajevo i na tom sastanku je bio direktor BH gasa gdje je upoznao da će doći do promjene cijene gasa i da se KS treba pripremiti. Današnja sjednica hitna je trebala biti u februaru a tada nije bio donesen budžet tako da smo mogli planirati ta sredstva u budžetu za subvenciju svakako prema građanima, odnosno prema krajnjim potrošačima. Trebali bi nekako dobiti informaciju svakako vezano i to ćemo

svakako tražiti putem inicijative ili poslaničkog pitanja na sljedećoj narednoj sjednici jer mislim danas da ne možemo to dobiti a to je da vidimo kako se kretala dobiti jednog i drugog našeg preduzeća i Toplana i Sarajevo gasa kako bi mogli napraviti poređenje sa cijenom gasa odnosno u zadnje tri godine i kako bi mogli utvrditi koliko je to zaista potrebno za subvenciju od ovih preduzeća odnosno iz budžeta. I još jedan prijedlog da u Zaključku broj 1 bi trebali napraviti izmjenu i korekciju pa evo molim svakako Vladu vjerovatno neko mijenja premijera ali da u prvom zaključku stoji ne u periodu od 01.09. do 31.12. nego da stoji za grejnu sezonu. Zaključak usvajamo svakako a trebat ćemo donijeti odluku i u narednoj godini ovakav zaključak da bi se subvencioniralo. Zaključak je obavezujući i za sljedeću godinu. Tako da zakonom o budžetima znamo da se počinje planirati u septembru i da bi to trebao biti sastavni dio budžeta za 2020, okvirna procjena tog budžeta bi dobro bila i omogućila bi Vladi svakako da planira ta sredstva sa ovim zaključkom. Toliko za sada a vjerovatno ću u diskusiji imati nešto još više da kažem. Hvala.

Predsjedavajući.

Hvala kolega Čelik. Sugestija ustvari u odnosu na Zakon o budžetima nemoguće je obavezati ovim zaključkom naredni budžet. Ubijeden sam da će se to naći u budžetu ali s obzirom na Zakon teško bi bilo danas, zato je Vlada vodila računa. A sve ostalo slažemo se. Kolega Zvonko Marić pitanja.

Poslanik/zastupnik Zvonko Marić.

Zahvaljujem predsjedavajući. Dame i gospodo, drugarice i drugovi, poštovani gledatelji, ja bih imao puno pitanja, počev od ove loše pripreme sjednice, i materijala koji su ne sa zakašnjenjem, odnosno neposredno prije početka nama stavljeni na uvid. Nego naprosto čak smo trebali i kasniti a znamo da se ta vanrednost situacije traje poprilično dugo. Ja ću sada nekoliko pitanja postaviti i osvrnuti se u par navrata na izlaganje ministra Mandića kojeg uvažavam naprosto. Ali mislim da je ovdje hendikep što nema premijera i što nema ministra finansija ko ji bi mogli da nam odgovore na puno pitanja koje imamo za njih jer smo naprosto dužni prema građanima da uputimo takvu vrstu pitanja, jer se to njih prevashodno tiče međutim premijer je kao što znamo u Kini, vjerujem da je to koordiniran posjet sa gospodinom Dodikom koji je u Rusiji bio i da će se možda na nekim novim putevima svile možda i sresti i donijeti neku dobrobit za ovu državu i društvenu zajednicu. No o tom potom. Gospodine ministre rekli ste u svom izlaganju da je jedno od rješenja, i istakli ste, utopljivanje zgrada. Ja međutim mislim da taj projekat nije dao rezultate, na kraju krajeva imate u izvještaju KJP Toplane za 2018 godinu primjer u ulici Semira Frašte. Također poznato je da ne postoje ventili evo konkretno u slovenačkoj zgradi u Hadžićima nego naprosto ljudi otvaraju prozore kako bi regulirali toplotu i uštedjeli, poštedjeli sebe te neprijatne situacije da u zimskom periodu imaju pretjerano grijanje koje ne mogu regulirati. Elementarna je stvar da mi ministre Mandiću nemamo informaciju o kretanju ulazne cijene za BH gas. To bi trebala nama biti

elementarna stvar, da bi mogli da napravimo neke usporedbe sa ovim kretanjima na tržištu cijena gasa. Rekli ste i ovdje se čuo sporadični pljesak i ja sam se našao naravno u čudu da do Nove godine neće biti poskupljenja plina. Šta će biti poslije N.G? Opet tumaramo u neizvjesnost iz dana u dan, bojim se. Čini mi se da je ovo samo trenutna mjera koja je naprosto iznuđena ponašanjem onih distributera i dobavljača gasa. Da li ste vi ikada ministre ili premijer vidio famozni ugovor između Gasproma i Energoinvesta ko ji je nosilac toga ugovora pa da vidimo šta u tom famoznom ugovoru piše. Da li ministre, a to bilo pitanje i za Vladu znate ko je šef gasne privrede na federalnom i kantonalnom nivou i šta ta firma odnosno šta ta institucija radi? Evo ja bih volio da odgovorite na to pitanje i da li znate barem koje aktivnosti je upravo ta institucija odnosno taj šef i jednog i drugog nivoa poduzeo da bi se amortizovalo ovo što vi pokušavate i vaša Vlada. Bojim se da kada sam svojevremeno zatražio strukturu cijene kao zastupnik, to je bilo poodavno i o ovome nije bilo nikada govora, mnogi od vas su mislili da sam ja blesav. Jasno se zna, evo sada se potvrđuje. Znači vrijeme id događaji su potvrdili moje opravdano traženje strukture cijene gasa od nekih u lancu distributera i dobavljača sam dobio. Ja ih pitam kakvo je vrijeme danas oni govore, prije 20 godina je bila kiša na ovim prostorima. U tom smislu su odgovarali. Da li ste ikada poslali ono moje zastupničko pitanje Energoinvestu koji se nije oglasio vezano za strukturu cijene gasa. To je sramotno, nedopustivo. Zbog toga sam tražio jer sam znao da će se ovo desiti. I druga stvar imao bih dakle, ali ostavit ću za diskusiju, jasno je iz svega ovoga što smo vidjeli i čuli, barem do sada, da nema jasne strategije. Nema jasnog cilja, nema jasnog plana za ovo izuzetno važno pitanje koje se tiče prije svega građana. I ne bih volio da se ova sjednica pretvori u poligon za laganje da ponovo se natječemo ovdje ko će više slagati građane. Treba im reći istinu. Postoji sistemska greška i treba ući u uzroke zbog čega smo dovedeni u ovakvu situaciju. I svojevremeno kada je postupio gas za 29 odnosno najavljeno 29 za 23 % rekao sam da se tu nešto iza brda valja i tada sam rekao da me čudi ta akumulirana potreba za povećanje cijene gasa. Iz tih razloga sam postavio u Domu naroda gdje sam delegat pitanje za Vladu FBiH na koji način će pomoći da se amortizira ovaj svojevrsni udar i na privredu i na građane. Ja sam bio jedini zastupnik ovdje, možda sam umislio. Čini mi se da sam bio sam sobom fasciniran, jer se niko od ovih zastupnika iz Kantona Skupštine nije oglasio po tom pitanju, da sam savršeno postavio ta pitanja na koja naravno nisam dobio odgovor. Dobio sam samo odgovor na to da će se praviti i radi se na interkonekciji izgradnje alternativnom pravcu snabdijevanja iz Hrvatske. I evo sada nas obavještavaju da su krenuli da je zamah dobio upravo taj projekat kako bi se spasili od eventualnih pritisaka i ucjena zbog isporuke gasa preko teritorija preko kojih gas dobijamo. Ostavit ću ostalo za diskusiju. Hvala vam lijepo.

Predsjedavajući:

vješto malo i prodiskujete, pitanje pa malo uobličite. Ali vješto to radite. Jasmina Bišćević Tokić.

Poslanik/zastupnik Jasmina Bišćević Tokić:

zahvaljujem predsjedavajući. Također pozdravljam sve prisutne i građane kraj malih ekrana. Evo imam i ja par pitanja za našeg uvaženog ministra. Rekao je u svom nekom obraćanju da je u suštini povećanje cijene gasa samo politički pritisak koliko sam ga shvatila resornog Ministarstva Džindića, pa jel to objašnjava da to nema veze sa porastom cijene nafte i njenih derivata kada smo svi mogli da skinemo dijagrame sa svjetskih portala da je cijena nafte i naftnih derivata u porastu. Zatim osvrnula bih se također da li je dolaskom nove Vlade 2015 godine na čelu sa trenutnim predsjedavajućim uredno izmirivane sve obaveze Toplana, Sarajevo gasa i BH gasa i jesu li urađeni reprogrami? Zahvaljujem.

Predsjedavajući:

zahvaljujemo kolegice. Kolega Damir Nikšić, izvolite.

Poslanik/zastupnik Damir Nikšić.

E hvala. Pozdravljam sve. Par pitanja, ja sam bio zbunjen na jednoj pres konferenciji sam čuo da je poskupljenje radi duga nekog velikog, pa ne znam da li je možda i zbog ratnog duga. Ima svega tu, onda je odjednom nije zbog tuga nego je to radi toga što je BH gas bio pojeftinio a Sarajevo gas bio poskupio. Jel tako nekako, evo pitat ću pa nek mi odgovore, pa je ispao Sarajevo gas kriv, BH gas nije. Koliko sam shvatio Energoinvest tu igra samo ulogu pečata. On drži pečat i on zaključi ugovor i ništa ne uradi, samo to zaključi, potpiše i uzme 1%. koliko sam ja shvatio. Znači imamo neke reketare i imamo previše naslaganih tih, grozd čitav neki naslaganih fiktivnih firmi oko cijene gasa i to nema puno veze sa poskupljenjem nafte i naftnih derivata u svijetu. E sada, to mi je malo volio bih da mi se objasni ako nisam u pravu. Drugo, moji neki prijedlozi, pitanje. Ovim subvencije i utopljavanje. Ja bih predložio samo ljudima kojima dajemo novac za gas da im istovremeno i utopljavamo a istovremeno da jedan od uslova bude da sva rasvjeta u tim zgradama bude štedljiva rasvjeta jer ne možemo sada na ćupriji dobiti a na mostu izgubiti. Sada ovdje davati subvencije za gas za grijanje a onda vamo trošiti na struju. Ja mislim da to treba da bude jedna zajednička akcija. Znači u skladu sa tim zelenim politikama i svim tim štednjama i održivosti. Znači led sijalice u sve te kuće, to je osnovni uslov ko hoće taj gas, ko hoće subvenciju mora imati sve led sijalice. Ja mislim da je to najmanje što možemo zatražiti mislim za svoje pare. Mislim da građani mogu zatražiti od drugih građana za njihove pare. I još jedna interesantna stvar što se tiče utopljavanja. Jedna od najboljih termoizolacija je konoplja. Znači industrijska konoplja. Ali zaista, najbolja vatrostalna, ne gori, da nam se ne desi ono što je Londonu bilo da izgori čitav soliter. Imamo ove izolacije koje su od stiropora kojima treba 200, 300 ili 500 godina da se razgradi. Ovo su bio razgradive izolacije, i molim vas da razmislimo o tome da ako ćemo ići na 40 objekata da što hitnije zasadimo konoplju, gajtan travu i koja isto tako rješava

tlo zagađenih materija koje smo naslagali možemo mi zasaditi po ovim deponijama divljim što su do sada bile da očisti malo i da koristimo to sa krečem zajedno, najbolja izolacija ever. Znači ja to predlažem pa eto nek se nađe ko hoće da odgovori. Hvala.

Predsjedavajući:

prijedloge kasnije molim vas kolege. Kolegica Bišćević je bila precizna, tačna pitanja. Poslije ćete diskutovati. Kolega Igor Stojanović izvolite.

Poslanik/zastupnik Igor Stojanović:

potrudit ću se da postavim precizna pitanja. Žao mi je što nema niko sa federalnog nivoa jer sam imao i za njih pitanja. Žao mi je prije svega jer govorimo o firmi i o nivou vlasti distribuirati 80% gasa upravo ovom Kantonu i bio je red da jedna firma koja potroši 1,8 miliona na plate i koja se finansira 80% faktički iz ovog Kantona da dođe ovdje i da odgovor na par pitanja. Ali evo zamolit ću ministra Mandića da mi odgovori na nekoliko pitanja s obzirom da su građani zbunjeni. Da nam pojasni koja je uloga Energoinvesta, koja je uloga BH gasa, zašto Sarajevo gas ne može direktno nabaviti plin? Čisto zbog građana da bi mogli kasnije kroz diskusiju ući direktno u detalje. Također imam nekoliko pitanja, volio bih da se na to osvrnu zastupnici iz prošlog mandata, a i vi predsjedavajući s obzirom da ste obavljali funkciju premijera. Premijer FBiH kao i direktor BH gasa obavijestili kroz medije javnost da je u proteklom mandatu gas smanjen za 40%. I da je marža Sarajevo gasa u proteklom mandatu porasla na čak oni su baratali sa cifrom od 400%. ja bih molio da nam neko ovdje objasni koliko su ove informacije precizne, da li se gas smanjio za 40%. zašto nisu cijene gasa smanjenje u proteklom mandatu građanima Sarajeva? Zašto su ostale iste? I šta je sa novcem? Ko je potrošio novac, ako je to tačno da se akumuliralo ovoliko novca? Jesu li možda zaposleni možda novi ljudi u Sarajevo gasu kako što pokušavaju federalne vlasti predstaviti ili je novac možda otišao na vraćanje ratnog duga, ili šta je uopšte sa novcem. Ja bih volio da neko kaže. Bez obzira šta ministar Mandić ne želi da se osvrne na prethodni mandat očigledno mi moramo znati zbog čega je ovdje cijena povećana da bi smo mogli dalje diskutovati šta se to dešavalo u firmama koje su se bavile gasom u prošlom mandatu na nivou Kantona Sarajevo. Hvala.

Poslanik/zastupnik Bibija Kerla:

pozdravljam sve prisutne gledaoce pored TV ekrana. Ja imam jedno veoma konkretno pitanje za ministra Mandića. Koliko sam ja razumjela povećanje gasa ide 25% od danas pa do 01. septembra. Od 01.09. vraćamo na staro. Šta je sa onima potrošačima koji su potrošači Toplana koji plaćaju cijelu godinu istu cijenu. Pa me interesuje znači njima ostaje 25% a ovima koji troše samo gas oni se vraćaju 01.09. na tu cijenu. Pa me interesuje da li je to tako ili neko drugo obrazloženje. Hvala lijepa.

Poslanik/zastupnik Segmedina Srna Bajramović:

zahvaljujem predsjedavajući. Pozdravljam sve prisutne. Ja bih zamolila ministra Mandića ukoliko raspolaže tom informacijom da odgoovri a ukoliko ne, da pitanje proslijedi upravi BH gasa. Mene bi zanimalo šta je uprava BH gasa uradila po pitanju alternativnog snabdijevanja osim Ruske federacije. Zapravo pitanje je kako RS može bez FBIH da gradi konekciju na hrvatsku gasnu mrežu za potrebe Rafinerije a da se ne ide sa produženjem konekcije gasovoda prema FBIH? Prema projektima trebala je ta koncesija da se gradi na naš gasovod kod Zenice ali to kako znamo nikada nije zaživjelo. Dakle, sada, da imamo alternativno snabdijevanje mogli bi nabavljati gas iz jeftinijih izvora. Dakle da li su pokušali da nađu alternativu ruskom izvoru gasa, Srbija ili Hrvatska, zašto ne? Zahvaljujem.

Poslanik/zastupnik Amra Junuzović- Kaljić.

Hvala lijepo. Srdačan pozdrav za sve u Skupštini, gledatelje naše, sugrađane. Naime, a propo svih ovih pitanja koja su postavili kolege zastupnici i prema ministru i hajde da kažem svima uključenim u ovaj proces, bilo bi zanimljivo čuti šta je delegacija Kantona Sarajevo saslušala u tom monologu od monologu komisije ili zastupnika FBIH? Bilo bi zanimljivo čuti koja je njihova argumentacija obzirom da mi imamo vrlo zbunjujuće podatke koje smo dobili iz medija, nezvanične, zvanične itd. Pretpostavka je da su argumenti sa kojima su izašli predstavnici Federalne Vlade relevantni, pa molim vas bilo bi zanimljivo čuti na znanje i svima nama, a i građanima. Hvala.

Predsjedavajući:

zahvaljujem. Ministre Mandiću ja sam također imao pitanja, koja nisu bila za vas. Ne znam da li da ih u odsustvu postavim onima kojih danas nema. Oni vjerovatno ovo gledaju kako oni kažu epizodu spektakularnih sjednica, tako kažu. Želio sam pitati neka spektakularna pitanja a tiču se cijene svih ovih parametara, dakle i cijene prirodnog gasa i kursa dolara i cijene sirove nafte. Želio sam da ih pitam da li je u ovoj godini došlo do pada svih ovih cijena i da li razmišljaju o tome dugoročno ili razmišljaju samo kratkoročno. Želio sam da ih upitam da nam kompariraju cijene svih ovih faktora u posljednjih tri ili četiri godine, pa da ih onda ja kroz raspravu kompariram sa onim šta je Vlada na čijem sa čelu radila i nekoliko puta smanjivala cijenu gasa da to uporedimo s ovim danas i želio sam da pitam resornog ministra Džindića posebno šta se desilo sa njegovom tvrdnjom u decembru da to može biti tri do pet % jer to su objektivne stavovi i zašto je promijenio mišljenje i pao pod uticaj nesposobnog menadžmenta BH gasa i dozvolio da se gas poveća za 30% . dakle želio sam postaviti ta pitanja. Evo postavljam ih radi javnosti a kroz diskusiju ću detaljno elaborirati sve ove parametre i pokazati šta je to što se nije smjelo desiti i još jednom naravno izražavam zaista nezadovoljstvo da nisu našli za shodno ni predstavnike poslati na ovu sjednicu. Ministre Mandiću izvolite.

Ministar Srđan Mandić.

Zahvaljujem. Ja ću, ako nešto slučajno zaboravim, podsjetite me molim jer sam pokušao. Dakle, kolega Marjanović je, ali pitanja jesu za upravu BH gasa i Federalnu Vladu. I mi raspoložemo strašnim saznanjima ali ja ne bih sada, iz pozicije u kojoj se nalazi, htio da špekulišem o tome. I moje je pitanje isto tako zašto su dva poteza prema, imamo Travnik Zenica i Visoko Brnjaci, tu su ogromne pare. I ja imam informaciju oko 60 miliona KM uloženo i s tim se stalo i pitanje je kakva je sudbina. I mi imamo informaciju da je to predmet istrage i finansijske policije itd. Ali to su zaista pitanja za one koji nisu ovdje, ali ne bih želio. Ali ćemo proslijediti naravno zvaničnim putem. Što se tiče formiranja cijene, dakle ja ću vas i mnoga pitanja, pa ću obuhvatiti jednim odgovorom ići ću pojedinačno, vezana za transparentnost. Dakle ja vas ponovo podsjećam da kap što je to urađeno sa električnom energijom, na kraju krajeva i sa naftnom kada je donešena odluka da tržište samo formira svoje cijene. Imate mogućnost izbora. Upravo zato nam je bitan Zakon o gasu, koji uvodi nezavisnog regulatora. Dakle u tom slučaju politika nema pravo, čak ni menadžment firmi nemaju uticaj na formiranje cijene. To radi jedno nezavisno tijelo po automatizmu. Što je najbitnije puna transparentnost i nema ni odlaganja političkog. Neko je kao poskupio, neko nije snizio pa su peglali neki. Ovdje su toliko spina, uključujući i ovo je mene jutros šokirala izjava sada nova verzija sa federalnog nivoa da nisu poskupili nego su nam smanjili cijenu gasa. Ja stvarno ne znam kojim mi jezikom govorimo. Dakle faktura je stigla iz BH gasa prema Sarajevo gasu 29,19% veća o kojem sniženju oni pričaju ja ne znam. Bilo bi lijepo da su došli da nam to objasne. Dakle kolega Čelik vrlo jednostavno nabavna cijena BH gasa prema Sarajevo gasu utvrđuje se, na to se dodaje cijena distribucije zavisno ona varira od 7 do 16% zavisnosti od ulazne cijene. I to je prodajna cijena na koju se dodaje PDV i fakturiše se. Šta je sa firmama da li su ostvarili plus ili nisu, i koliko, upravo sam rekao u uvodnom dijelu. 30.06t se usvaja završni obračun za 2018. ove firme će također učestvovati sa značajnim sredstvima u subvencioniranju. Kada vidimo tačno koliko su ostvarili profit onda ćemo im dati nalog koliki dio tog profita u skladu sa njihovim planovima treba da ide i apsolutno će se ići u racionalizaciju poslovanja. Tako da s te strane nemojte brinuti. Kolega Marić hvala vam na vašim pitanjima. Prije svega moram vam reći da smo na stalnoj vezi, premijer je bio tu kada smo sve ove odluke donijeli, i jednostavno važnost obaveza, mi radimo kao jedan tim koji baš ima, on je samo prvi među jednakima. Mislimo da nas ima dovoljno koji ga možemo dobro zamijeniti kako što bi on mijenjao nas. Tako da ja ne mislim da je njegovo odsustvo i odsustvo ministra finansija nešto posebno, a svakako pitanja koja imate za njega mu ostavite neće biti nikakav problem. Što se tiče pitanja vašeg zašto samo do NG. Nije problem ni u iduću godinu ući sa sličnim prijedlozima mi imamo najave i daj bože da bude tako da će eventualno doći do korekcija cijena na svjetskom tržištu naniže ako dođemo u tu situaciju onda smo u tzv win-win situaciji. Dakle imat ćemo razloga. Zato je ovo urađeno do kraj ove kalendarske godine. Pratit ćemo situaciju i na vrijeme Skupštini predlagati

šta i koje mjere ćemo preuzimati za iduću godinu. Ovo je što se tiče o.g. kada ste pomenuli utopljivanje zgrada slažem se. Zato smo u jednoj od mjera naveli da kada se ovih 40 objekat završi, a to će biti u ovoj godini, očekujemo da se izmjere efekti i da vidimo jel to pravac u kojem trebamo ići. Mi mislimo da jeste. Također se planira i pred vas ćemo izaći sa prijedlogom drugačijeg tarifnog sistema, da će se sa nekog predmjernog mjesta uzimati potrošnja i dijeliti po kvadraturi stana a ne kao što je rađeno do sada. Ovo su vrlo kompleksni problemi. Sve ovo što danas pričamo, vi imate 20 i kusur godina. Vi imate istorijat od početka do kraj rata naovamo, 11 poskupljenja i 11 sniženja cijena. Šta se sve dešavalo ja zato insistiram. Mi smo ovdje šest mjeseci, 24 godine ima kako je rat završen. Nemojte očekivati da mi možemo sada nakon šest mjeseci riješiti sve probleme koji su se nagomilali. Ali ovo što smo danas predložili su smjernice u kojem a se želimo kretati sa ciljem rješavanja mi nećemo ni ove godine riješiti problem zagađenja, to svima treba da bude jasno. Ali idemo u tom pravcu. I ovo je jedna od mjera koja će barem zadržati na prethodnom nivou jer da smo ostavili cijenu mi imamo podatke da 2015 godine 6000 potrošača, to je negdje cca 10% prestalo da koristi plin i prešlo na druge ove alternativne izvore mi to nismo željeli sada da dozvolimo. Bar da ostavimo na istom nivou plus da određene nove potrošače steknemo. To je, krećemo se u dva pravca, jedan je ta socijalni momenat. Dugi je ovaj razvojni gdje želimo da kada pričamo o BH gasu, prije rata je tu bila negdje potrošnja oko 800 miliona kubika, sada je to 180 kubika. Mi smo beznačajno tržište. Hrvatska troši milijarde kubika. Tako da to bi bio što se tiče ugovora Gasproma prema BH gasu, ja nemam uvid, zatražit ćemo da da vidimo. Ali opet se pozivam na Zakon o gasu, opet se pozivam a transparentnost. Jednog dana kada budemo to imali svi ćemo imati uvid u to. Poslanica Tokić aha cijena nafte. Evo to je djelimično i ovaj, mi smo isto zatečeni informacijom. Dakle u januaru resorni ministar govori nema šanse da ćemo povećati više od 3 do 5%. i mi smo s tom informacijom računali. I nismo bili nespremni. Dakle računamo s time odjednom nam se u aprilu pojavi i kaže da će biti 29%. dakle pitali smo ga i mi. Evo to je pitanje njemu. Ako vam neko, a između januara i maja se ništa nije desilo. Ako je neko u januaru rekao da ne može biti više od 5% zašto sada povećava 29%. ni mi ne znamo i mi smo ga to pitali. Koja je uloga Energoinvesta? Energoinvest je uvoznik i dobro pitanje. Koja je uloga, zašto nam treba i zašto Vlada Kantona ne može naručivati od drugih? Upravo zbog uredbe federalne Vlade mi smo osuđeni da kupujemo samo od BH gasa, ponavljam Zakon o gasu bi regulisao i tu situaciju i omogućio Vladi Kantona da i od drugih kupuje. Zamislite situaciju da nemamo monopol da možemo kupovati i od drugih i da imamo transparentno, nešto što je. Da ne napominjem da je to nešto što je direktiva EU, što ćemo prije ili kasnije ako želimo tamo gdje svi deklarativno hoćemo, to ćemo morati riješiti. I zašto ne sada, zašto čekati? Dakle Zakon o gasu, ponavljam. Poslanice Kerla nemojte, da pojasnim od 01.05. do 01.09. Sarajevo gas će imati povećane cijene 25% prema svima. Do tada Toplane neće obračunavati veću cijenu znači od 01.09. prema svima uključujući

Toplane i sve individualne potrošače vraćamo na cijenu koja je bila prije poskupljenja. Uzeli smo ova četiri mjeseca koja nisu kritična, to nisu neka, tada svi manje trošimo, Toplane ne uvećavaju svoje cijene eto da taj mali dio građani snesu. Od 01.09. se vraćamo na stanje prije poskupljenja, umalo ne rekoh predratno. Kolegica Srna BH Gas. I mi imamo informacije da će ta južna interkonekcija negdje 2023 biti gotova. Pominjem ponovo što sam rekao kolegi Marjanoviću. Imaju te dvije sporne investicije koje stoje. Zaista ćemo ih pitati šta, jer to su vrijednosti negdje oko 60 miliona KM. Šta je s tim novcima. Pitanje je da li mi kroz ova poskupljenja plaćamo i to. Oni kažu da ne ali mi nemamo uvid. Mi imamo samo neku eksel paj koju nam stalno ministar pokazuje gdje tvrdi da je 74% itd. Iza toga nemamo ništa. Želimo i mi transparentno da nam pokažu kako se formira cijena. Evo mi izlazimo i naša preduzeća će se tako ponašati bio Zakon ili ne. Pred vama će, i danas smo poslali informaciju. Ako iko to može da razumije ja ne mogu.

Predsjedavajući:

zahvaljujem ministre. Zastupnici će kroz diskusije elaborirati vaše odgovore, iznijeti svoje stavove i prijedloge, korekcije, konekcije. Kolega Mariću ja namjerno duže pričam da bi ste vi ušli u salu, vidio sam da ste se prijavili. Kolega Marić otvara diskusiju, izvolite.

Poslanik/zastupnik Zvonko Marić.

Nije nego nisam zadovoljan predsjedavajući odgovorom.

Predsjedavajući.

Nemamo taj institut. Sada vi njega komentarišite kroz diskusiju sve što niste zadovoljni, i kroz drugu diskusiju. A na kraju će opet neko od uvodničara.

Poslanik/zastupnik Zvonko Marić:

ali ja sam se zato prijavio. Evo ministre Mandiću ja sam samo pitao ko je šef? Pitao sam da li neko u ovoj sali zna, gasne privrede? Ne znate. Da, na federalnom i kantonalnom nivou. Ja znam ali neću vam reći. I zato sam postavio jer uvijek kada postavim pitanje naravno da znam odgovor na to pitanje ali želim da čujem zvaničan odgovor. Ništa ministre, ne zamjeram ja vas, to je malo fantomsko tijelo i zato ja pitam koja je njegova uloga u svemu ovome. Ja ću samo reći par rečenica u ovoj prvoj diskusiji jer želio bih još da čujem kolege kako razmišljaju ovo ovom pitanju pa bih se kasnije javio naravno i ono što se meni ne sviđa u svemu ovome je da sada trebamo nešto slavodobitno od građana uzeti kaiko je ministar Mandić između ostalog rekao, novac i riješiti taj problem njihovim novcem i sada mi nešto slavodobitno o tome nešto govorimo. Ja sam govorio o južnoj interkonekciji. Poznato je da EBRD, a i USAID i predsjedavajući reče da ima neko od predstavnika USAID grant sredstva su dali za ovaj projekat vezan za južnu interkonekciju. Ja bih volio da se odgovori na to pitanje i koliko će trajati realizacija ili implementacija tog projekta iz prostog

razloga što u BIH barem to znamo svi, neki projekti, se pričaju i prisutni su u demagoškim pričama i zahvatima i populističkim dugi niz godina ali se nikada ne rješavaju i ne dovedu do realizacije. Poznato vam je i taj slučaj sa led rasvjetom prema kojoj sam ja tada zamišljao da će Sarajevo biti kao Los Angeles šljastit će na sve strane, međutim nikada da se realizira taj projekat, a i izdvojeno je koliko znam, ili predviđeno 40 miliona KM. Da se uloži tako nešto i ne znam kada će se taj novac uloženi vratiti i šta ćemo pomoći time osim tog nekog vizuelnog efekta. Bojim se da to nije samo vizuelni efekat nego u ovakvoj situaciji u kojoj mi živimo, plašim se da je to svojevrsna dijagnoza. Što se tiče ovog našeg pokušaja da amortiziramo sve ove svojevrsne udare kako reče u svom izlaganju ministar Mandić na projekte šestorke ali istovremeno, ali to je naravno nedokazivo u ovakvom slučaju, i na šestorku u Kantonu Sarajevo, ja bih se suzdržao od takvih ocjena iz prostog razloga što bih želio da se osvrnemo i samokritički pogledamo šta smo i gdje smo pogriješili i ko je griješio u proteklom periodu. I kada je govorio ministar Mandić o tome koliko se zaračunava marža Sarajevo gasu u odnosu na BH gas ja sam uvijek govorio svojevremeno kao novinar tvrdio da u lancu distributera i dobavljača gasa imaju najmanje dva parazita. Ministar Mandić nam je ponudio jednu od solucija ili rješenja ali ja sam svojevremeno sa predsjedavajućim u razgovoru rekao da bi možda trebalo razmišljati o prisajedinjenju Sarajevo gasa i Toplana, i istovremeno budući da je Energoinvest 67% koliko ja znam državni kapital i ći će u privatizaciju da se napokon isključi recimo Energoinvest pa da ostane BH gas i eventualno ova prisajedinjenja solucija sa kantonalnog nivoa. A zašto ovo govorim, govorim iz prostog razloga što kada Sarajevo gas isporučuje Zenici gas on ga fakturiše po 890 KM a zapravo a BH gas 660. nije to mala razlika u cijeni i bojim se da tu se prepoznaje štetnost postojanja nekih u lancu dobavljača i distributera gasa. Jer samo izračunajte razliku između 660 KM i 890. mislim da je to u strukturi cijene gasa jasno i ta stavka je evidentna i govori u prilog na šta ja aludiram. Mene je interesiralo također da li Klirinški dug između SSR i BIH je mogao biti upotrijebljen za vraćanje ratnog duga koji je toliko sporan. Interesiralo me da li je Sarajevo gas od građana i koliko prikupio sredstava i da li su ta sredstva koja su prikupljana uplaćivana u te svrhe. I također da ne podliježemo takvoj atmosferi kako smo žrtve malverzacija u lancu dobavljača i distributera gasa volio bih da otvorimo neka pitanja da li je u proteklom periodu, volio bih to da znam, bilo mogućnosti za snižavanje kao što sa federalnog nivoa tvrde gasa u vremenu kada je cijena gasa na svjetskom tržištu padala, i zašto to nije učinjeno i zašto to građani nisu osjetili nego se prešutjelo. I bojim se a ovakvim pristupom da ćemo poslužiti kao svojevrsni paravan za svojevrsnu pljačku koja se desila u tom periodu. I ne znamo gdje je taj novac otišao ako je bilo mogućnosti da se snižava cijena plina ili gasa, zašto to nije učinjeno. I iz tih razloga samo upozoravam bez namjere da nekoga osobno ili lično prozivam ovdje ali volio bih da sagledamo takvu situaciju i žao mi je što nisu predstavnici sa federalnog nivoa došli ovdje, a vidim nisu ni u najjačem sastavu predstavnici Sarajevo gasa, niti Toplana pa da otvoreno porazgovaramo o ovim stvarima, jer

u suprotnom mislim da je ova sjednica na neki način i time obesmišljena i da li je to tendencija ili namjera bila, ja to naprosto ne znam ali bojim se da ovako važnom problemu smo trebali da razgovaramo. Ako se već ne razgovara izvan ovakvih skupova, onda bojim se da nas to vodi u propast i zaista u svojevrsnu dezorijentaciju iz koje nećemo moći da izađemo. Za sada toliko u ovoj prvoj diskusiji. Hvala vam lijepo. A greškom eto, javio sam se jer nisam bio zadovoljan na odgovoreno pitanje odnosno nisam dobio odgovor.

Poslanik/zastupnik Damir Nikšić.

Evo ja se isto slažem mislim da džabe mi ovdje sjedimo pošto ovi nisu došli ali upravo zbog toga bih volio da pročitam jedan esej koji upravo sam objavio a koji glasi ovako. ja znam da postoji tendencija da se do ljeta zaboravi činjenica da pojedini zimski dana Sarajevo postaje jedan od najzagađenijih gradova svijeta. U tijesnoj utrci za najzagađeniji glavni grad na svijetu. Znači u tom kontekstu poskupljenje nije udar na džep građana i privrednika Sarajeva kao jednog od tri najveća potrošača plina u državi. To je direktan udar na mjere borbe za poboljšanje okoliša, na zelene politike ove Vlade. To je direktan nizak, prljav udar na okoliš a time i na zdravlje, odnosno na živote građana. Visoka cijena plina, složili smo se ovdje, će natjerati građane da pribjegu čvrstim gorivima naredne zime. A to će povećati i onako kritičnu razinu aero zagađenja a time i smrtnost naših građana jer prema podacima SZO BiH je na drugom mjestu po stopi smrtnosti zbog zagađenosti zraka. A jedino Sjeverna Koreja ima veću stopu smrtnosti od nas u svijetu, od zagađenog zraka. Od zagađenja zraka oko 3500 građana svake godine umre u BIH. Vlada Kantona Sarajevo je ovu brojku planirana smanjiti smanjenjem zagađenja u Sarajevu. Dok je Vlada, izgleda, Federacije namjerava povećati barem do nekih 30 %. ovo nekome može ličiti na svojevrsan čin agresije u sklopu jednog šireg specijalnog ekonomskog rata protiv Vlade Kantona. Da li je to tako ili nije, uopšte nije važno. Ono što je važno jeste da će se ova mjera, ovo poskupljenje po smrtnost građana Sarajeva, graničiti s ratnim dejstvom. Grubom računom neko bi mogao ustvrditi ili zaključiti da Vlada FBiH ovom mjerom i na ovaj način planira ubiti par hiljada Sarajki i Sarajlija u narednoj godini. Na pitanje da li zaista Vlada FBiH na čelu sa premijerom Novalićem, svi su oni u tehničkom mandatu žele krenuti u tu kampanju i preuzeti tu odgovornost na sebe morat će odgovoriti oni sami. Pravci i prioriteti vanjske politike BiH su usklađivanje sa europskom pravnom stečevinom, što podrazumijeva konstantno ažuriranje naših propisa, sa propisima EU. To je obaveza koju su svi članovi Skupština i Vlada na svim nivoima i mi ovdje preuzeli potpisivanjem sporazuma o stabilizaciji i pridruživanja BiH EU. A koji izgleda niko ne shvata kao obavezujući akt. Mi smo tim potpisivanjem prešli iz faze dobrovoljnog u fazu obaveznog usklađivanja propisa, u što spada i liberalizacija tržišta kao i borba protiv monopola. U bornu protiv monopola spada i borba protiv državnog monopola koji direktno ugrožava onog koji direktno ugrožava prava korisnika potrošača, ali i borba državnih organa protiv partijskih kartela ko ji ocjenjuju

cijene energenata, lijekova, hrane i svega drugog. Federacija se pokazala agilnom u harmonizaciji europskih mjera samo kada se radi o akcizama na naftne derivate ali ne čini dovoljno po pitanju zagađenja recimo. Ovdje se ne radi samo o aero zagađenju i emisiji karbona. Tu je sigurno pohranjivanje toksičnog otpada, to je usklađivanje liste zabranjenih materija koje nismo ažurirali 18 godina barem što se pirulena tiče. Mi smo pod sankcijama energetske zajednice zbog odbijanja liberalizacije gasnog tržišta. Mi smo pod sankcijama zbog toga što forsiramo termoelektranu na ugalj. Uskraćeni su nam novci za projekte gasifikacije. Mi smo zapravo taoci jedne prljave4 politike lokalnih oligarha koji ne prezaju ni od čega na svom kontra europskom putu. Drže nas u podrumu i govore nam da rat još nije gotov, kao u onome filmu i onome vicu. Svjetlo na kraju tunela su europski propisi i harmonizacija s njima. Mi moramo eliminisati sve blokade i barikada e koje se poput riječnog otpada što smo gledali ovih dana nagomilalo u našim institucijama i započeti utrku u harmonizaciji sa EU na svim nivoima. Usklađenost Zakona ne treba da nas brine ako imamo u vidu da se svi zakoni usklađuju sa istom zakonskom evropskom pravnom stečevinom i stoga molim da prestanemo da se igramo riječima, prvnog rječnika i dezinformacijama kojima se već dugo odugovlači ovaj proces i da se u ovom zakonodavnom tijelu konačno počnemo baviti legislativom i to punom parom jer moramo sustići godine propuštenih šansi i neurađenog posla. Ovo nije autoritarna centralizovana država. Ovo je decentralizovana država sa više nivoa vlasti. Postoje oni koji tvrde da reforme moraju doći sa nižih nivoa vlasti prema nižoj. Po meni to su hronični etatisti iz koji h progovaraju ostati autoritativnog totalitarizma. Oni imaju pravo na svoje mišljenje stav ali to nije jedini način i ovo nije autoritativna država nije diktatura da bi ovoliko građani patili od diktata i naredbodavne ekonomije, nakon decenija tranzicije. U liberalnoj demokratiji poznato je da sve demokratske promijene dolaze odozdo iz baze i kreću se prema gore, zato predlažem da svi nivoi vlasti krenu u harmonizaciju propisa sa EU, svaki za sebe, i za par godina se nađemo u EU. Ko zadnji magarac. Prije nekoliko dana, evo jedan primjer, svjedočili smo potpisivanju ugovora o gasifikaciji energije u Bosanskom Brodu kojem je prisustvovala predsjednica Hrvatske. Opskrba prirodnim plinom Bosanski Brod desit će se direktnim priključenjem na plinski transportni sistem Hrvatske, bla bla bla. (nerazumljivo) to znači da kada dođe do zagađenja na granici sa EU onda i RS i Hrvatska i Rusi mogu da pronađu rješenje. Nije valjda naša jedina nesreća ovdje ta što smo prepušteni sami sebi kao najvećim dušmanima. Što smo duboko u unutrašnjosti zemlje i zagađujemo samo sebi pa smo u nemilosti Federalne Vlade koja kategorički odbacuje svaku pomisao na ovakva hitna i direktna rješenja u direktnom dogovoru sa Rusima bez posrednika i čitavog grozda fiktivnih firmi koje kako se čini kane uzimati reket od građana Sarajeva kao da su ovi dalje pod opsadom a ne već treću deceniju u miru i slobodi. Koji će i čiji predsjednik intervenisati za zdravlje i zdrav okoliš u Sarajevu? Nije valjda da su se svi ovdašnji predsjednici kako partija tako države i entiteta okrenuli protiv nas ovdje i građana Sarajeva uopšte. Ja mislim da dosljedno provođenje Reformske

agende rješava ovaj problem. Ja mislim da reforme ne moraju dolaziti samo sa viših nivoa vlasti, i zato pozivam međunarodne europske zvaničnike, da nam pomognu da promijenimo i primijenimo strategiju po kojoj ćemo reformsku agendu pogurati sa nižih nivoa vlasti, tj iz Kantona jer to je u interesu građana Sarajeva i u skladu sa njihovim osnovnim ljudskim i korisničkim pravima u skladu sa poveljama i deklaracijama kako u UN-a tako i EU. Mi imao pravo na čist okoliš a to naše pravo je ugroženo i na udaru ovog akta Federalne Vlade za koji preporučujem da bude povučen. Još jednom napominjem vlasti na višim nivoima da imaju previše presuda u korist građana i ako se nastave ovako odnositi prema građanstvu, ako nastave sistemski zanemarivati ljudska i korisnička prava, da rizikuju gubljenje, da se tako izrazim sertifikata za državu jer ubrzano stižu rejting represivnog i nehumanog režima. Hvala.

Poslanik/zastupnik Samir Suljević:

hvala. Pozdravljam sve prisutne kao i gledaoce pored malih ekrana. Pa evo, početak moje diskusije je bio vezan za ovaj sastanak koji je bio održan između predstavnika Vlade Kantona Sarajevo i predstavnika BiH gasa sa resornim ministrom Nerminom Džindićem za koje smatram da su otišli u pogrešnom smjeru ali naš ministar Mandić nam je otprilike objasnio o čemu je riječ. Krenuo bih od jedne konstatacije a to je da je Gazprom bez obzira na ratni dug od skoro 100 miliona dolara nije uslovljavao sniženje cijena gasa otplate ratnog duga, kako je predstavio ministar Džindić niti je BH gasa u stanju nastaviti drugi i kvalitetniji gas. Treba napomenuti činjenicu da ni u toku ratnih zbivanja Gazprom nije zatvarao gas. Također, priča ministra Džindića o tome kako Kanton Sarajevo može vrlo lako izaći iz pozicije u kojoj se nalazi na način da plati ratni dug, predstavlja po meni ucjenu. Zaboravlja ministar da je u augustu 2017 godine na račun Vlade FBiH uplaćeno nešto više od 72 miliona dolara od strane Ruske federacije po osnovu Klirinškog duga. Umjesto da se od tih sredstava zatvori dio ratnog duga za gas Vlada FBiH je novce prvobitno namijenila za cestu od Lašve do Travnika, a danas nemamo ni te ceste, niti je dug otplaćen. Tako da je jasno da su najvjerovatnije ovi novci otišli na krpljenje budžetskih rupa. Izjave da predstavnici Ministarstva finansija Kantona i FBiH sjednu i nađu način otplate duga Gazpromu kako bi Sarajevo gas moglo nabavljati odnosno koristiti jeftiniji gas u dogledno vrijeme su po meni blago rečeno utopističke. Da bi Sarajevo gas mogao da nabavi gas na tržištu za koje je dokazano da je jeftiniji, što smo mogli da se uvjerimo u zadnje vrijeme i po medijima iz relevantnih izvora, potrebno je otvoriti tržište gasom, i usvojiti određene zakone, i pravila. Također je oblast gasne privrede u FBiH regulisana Uredbom o organizaciji i regulaciji sektora gasne privrede koja je donesena 2007 godine. Prema ovoj Uredbi BH gasu i Energoinvestu obezbijeđen je potpuno monopolistički položaj i to treba jasno naglasiti. Sve priče predstavnika Vlade i BH gasa o borbama za državne zakone, ventile, interkonekcije i slično, ovdje padaju u vodu, jer ponavljam pomenute firme imaju monopolistički položaj i bez ikakve regulacije i nadzora određuju cijene građanima Kantona

Sarajevo na način kako to njima odgovara. Također naglašavam da se preko 80% uvezenih gasnih količina u BiH troši upravo u Kantonu Sarajevo i da bez te potrošnje ne bi postojalo ni BH gasa ni Uredbe kao ni velike priče o gasnom sektoru koje nam se plasiraju u medijima prvenstveno od strane direktora BH gasa. Prije nekoliko dana, sam direktor BH gasa hvaleći govorio da je potrošnja prirodnog gasa u maju 2019 rekordna kao da je on za to zadužen a ne niža temperatura zraka kao i bitna činjenica da od te rekordne potrošnje gotovo 11 miliona metara kubnih potrošnje, Sarajevo je potrošilo 7,5 miliona. Također istaknuo bih da je cijena od 01.05.2019 iznosi 640 KM na 1000 kubnih metara. Da li u postojećim uslovima Uredbe cijena gasa može biti niža, opet treba da odgovori ministar Džindić u čijem resoru je i Energoinvest, koji je uvoznik i potpisnik ugovora Gaspromom. Postavlja se pitanje da li ministar za ove tri četiri godine koliko je na funkciji ili neko drugi iz Vlade FBiH ikada bio u Ministarstvu energetike Rusije i tražio sniženje cijena. Znači umjesto da se ucjenjuju građani treba se naći način da se smanji cijena gasa u postojećim uslovima Uredbe ili da se donesu propisi u skladu sa EU regulativima. Ne bih sada, ovaj dio ću preskočiti što sam pripremio vezano oko postavljene cijene gasa ali maloprije se nisam htio javiti vezano oko pitanja a pitanja imam puno, ali dozvolite mi morat ću da ih postavim, pa ako neko bude želio ikada neka odgovori. Da li građani Sarajeva u okvirima nove cijene plaćaju promašene investicije BH gasa poput gasovoda Zenica Travnik ukupne investicije više od 40 miliona KM; kredit od EBRD a ni jedan kubik gasa nije prodat u SBK. Niti je isti gasificiran iako postoje studije i planovi. Da li građani Sarajevo u okvirima nove cijene plaćaju i promašene investicije BH gasa poput gasovoda Visoko Brnjaci, investicija u iznosu od cca 5 miliona KM već duži period je bez potrošača, i ne naplaćenim potraživanjima od cca 2,5 miliona KM. Šta je s dugom Birača prema BH gasu u iznosu do cca 26 miliona KM. Kako je neuspješna uprava BH gasa po navodima ministra Džindića od prije godinu i po dana postala uspješnija. Kako smo od priče od 3 do 5% poskupljenja i priče da ministar neće dozvoliti poskupljenje, došli do priče od 30% i upravi i uspješnoj od uprave Gasproma. Obzirom da se najavljuju nove velike gasne priče, investicije u južnu interkonekciju što sa aspekta sigurnosti i snabdijevanja pozdravljam, postavlja se pitanje ko će otplaćivati kredite od cca 100 miliona eura plus troškovi izgradnje gasovoda u R Hrvatske do granice sa BiH, cca 60 km, da li će to biti opet građani Kantona Sarajevo tada sa nekom još većom cijenom. Do sada nije objavljeno ni približno kolika bi cijena gasa bila niti se zna sa sigurnošću za nekog novog potrošača, osim što se pretpostavlja da će doći do povećanja potrošnje gasa u FBiH odnosno u Kantonu Sarajevo. Sredstva koja su dobijena od USAID u iznosu od pola miliona dolara su kap u moru u odnosu na ono što treba investirati u južnu interkonekciju, a pitanje je zašto uspješna uprava obmanjuje javnost. Da li će u izgradnju novih studija izvodljivosti za nove gasovode koje najavljuje uprava BH gasa, učestvovati i određeni bliski saradnici odnosno savjetnici direktora i predsjednik NO BH gasa koji su radili studije izvodljivosti gasifikaciju SBK. Ovo moram ponovo napomenuti da je

gasovod Zenica Travnik izgrađen prema studiji koja se zove Gasifikacija SBK a sada se govori da je to dio južne interkonekcije. Ta studija je pokazala ekonomsku opravdanost, ali ponovo napominjem svjedoci smo da u SBK nema potrošnje gasa. Imao bih još dosta toga, ali ipak moram skratiti i moram reći da zaključujem da je previše neodgovorenih pitanja od strane Vlade FBiH o povećanju gasa na potrošače u Kantonu Sarajevo, i ono što je šturo odgovoreno stvara opravdane sumnje kod građana Kantona, ove Skupštine i Vlade Kantona da je ovo poskupljenje samo jedan u nizu udara na građane i vladajuću većinu u Kantonu Sarajevo od strane dobro poznatih aktera. Mi ovdje ne smijemo dozvoliti da građani plaćaju političke cijene i cijene promašenih poslovnih poteza upravljačkih struktura u federalnim kompanijama. Kao odgovorni ljudi, treba da izvršimo dodatni pritisak na nadležne federalne organe da omoguće da se Sarajevo grije na ekološki, ekonomski prihvatljiv i pouzdan način tako što će se omogućiti nabavka jeftinijeg gasa. Upravo strukture u kojima sam govorio koriste činjenicu da Sarajevo teško ili nikako ne može bez gasa za naplatu svojih dugogodišnjih politika, talova i promašenih investicija. Također, ukoliko od strane Vlade FBiH se ne obezbijedi model za nižu cijenu gasa, treba naći načina da se u okviru Kantona Sarajevo iznađu sredstva kako bi se u ovoj sezoni grijanja ublažio udar Vlade FBiH i BH gasa na građane Kantona Sarajevo a u narednom periodu, ja bih rekao od sutra izgradnju jasnih energetske strategije i politika Kantona Sarajevo koje će dovesti do smanjivanja ovisnosti od prirodnog gasa za grijanje uvođenjem novih ekološko prihvatljivih i energetski prihvatljivih tehnologija, kako bi se u konačnici ovaj Kanton imao jeftinije i pouzdano grijanje a njegovi građani ne bi bilo predmetima raznoraznih ucjena. Hvala.

Poslanik/zastupnik Igor Stojanović:

građani Kantona Sarajevo treba da plate cijenu političkih ljubavi i mržnji na nivou BiH. Ministar Džindić i direktor BH gasa Salkić do jučer u mržnji. A danas u ljubavi a sve je uzrok formiranje neke nove vlasti nakon izbora. Vrlo čudno, a cijena i faktura dolaze građanima Kantona Sarajevo. Ne mogu da se otrgnem jednom utisku da ovo sve podsjeća na situaciju iz prošlog mandata kada smo bili svjedoci sukoba u Kantonu Sarajevo, evo konkretno u preduzeću VIK kada je smijenjen jedan menadžment pa došla neka direktorica koja je trebala da uvede moratorij, da ga sprovede i da nema zapošljavanja, pa promijenila stranu, pa nastale neke nove stranke, i sve te sukobe građani Kantona Sarajevo su plaćali da po nekoliko dana nemaju vode da bi se demonstrirala sila u VIK-u. A evo isto to se sada dešava na nivou FBiH i države u Sarajevo gasu. Jer do jučer u ljubavi, ministar, direktor, bivši premijer, ili ostali članovi kantonalne skupštine samo zato što Kanton Sarajevo neće biti dio nove većine na nivou FBiH i kao neko ko koristi 80% uvezenog plina, treba da plati fakturu BH gasu, koji na plate potroši 1,8 miliona, i čiji direktor nam na TV javno zajedno sa ministrom drži političke lekcije kako treba iz Sarajeva izaći na granicu sa Drinom, tamo gdje dolazi plin, i uspostaviti red u plaćanju plina jer je to najveći

problem zašto Sarajevo ima drugačiju cijenu od RS-a. Ja to ne mogu da prihvatim, jer ako ste direktor BH gasa i ako ste federalni ministar, onda bi to prije svega trebao da bude vaš zadatak. Vaš zadatak bi trebao da bude da ispitajte uvođenje gasovoda do Travnika i Zenice, i sve ovo o čemu je kolega Marjanović govorio o finansijskoj policiji kako je utrošen novac. Vi bi ste trebali da napravite uredbu i Zakon o gasu koji bi stavio građane Kantona Sarajevo u jednak položaj a ne da držite Vladi Kantona Sarajevo lekcije o tome šta oni politički trebaju da rade za vas. Jer onda mi nemamo nikakvu svrhu od Federalne Vlade i BH gasa. Mi ovdje imamo sada Energoinvest, BH gas i tek onda Sarajevo gas, koji svako ima svoju maržu, a 80% cijene ustvari plaćaju građani Kantona Sarajevo. Postavlja se pitanje, ako nema nove Uredbe, ako nema Zakona, šta je onda svrha BH gasa osim da ima plate za svoje uposlenike. To je što se tiče politike i ovo jednostavno mora prestati, jer ovaj obračun podsjeća na rat preko građana, preko džepova građana Kantona Sarajevo. Rat koji hoće da uvuče određeni dio u vlast ili da napravi finansijski pritisak na dio Vlade a ne mora recimo biti finansijski pritisak na sve ove firme koje je kolega Suljević iznio, a koji su također dužnici BH gasu. Za razliku od mog kolege Zvonka Marića koji je rekao da je na Domu naroda bio savršen, ja mislim da na Domu naroda treba upravo pokrenuti pitanje Uredbe, koju je ministar Mandić spomenuo, a to je da isključivo Uredba dozvoljava da Energoinvest bude nabavljač i BH gas. Dakle ovu Uredbu treba promijeniti jer građani Kantona Sarajevo plaćaju dvije marže dok dođe gas do Sarajevo gasa. Kome plaćaju? Šta je svrha? 1,8 miliona za BH gas na plate se potroši a nema ni Uredbe a ni prijedloga Zakona. Ja to ne razumijem. Znači mi treba da izdržavamo još neke nove strukture, još neku novu administraciju. Za šta? Da ne bi neko sišao sa plate pa sada će ovdje građani Kantona Sarajevo plaćati neki gas. Ja nisam za to. I to će biti moja inicijativa na Domu naroda da se ova Uredba primijenio i tražim odgovorno iz ove Skupštine da odgovorni ljudi za energetiku na nivou FBiH i države BiH da oni izađu na granicu sa BiH i donesu Zakon o gasu. Da urede ovo na nivou države ili neka se sklone, neka puste Vladu Kantona Sarajevo i ovu vladajuću šestorku da izađe na granicu nek se sklone iz Federalne Vlade kada je ne znaju formirati, ne znaju je voditi. Mi ovdje pokazujemo odgovornost da znamo i nećemo dozvoliti povećanje gasa unatoč njihovoj inicijativi da preko leđa građana povećaju gas. Mi nećemo dozvoliti i znamo kako se to radi. Očigledno da oni svoj posao ne znaju, sjede četiri godine, vlast od prethodne četiri godine na nivou FBiH se neće promijeniti, ostaju isti akteri, plus DF. Prema tome, ako ne znaju da rade neka se sklone, ima ko hoće i ko zna da štiti interese građana. I očekujem od vas predsjedavajući da nam pojasnite molim vas, na osnovu ovog mog pitanja iz prethodnog mandata, ako je istina ovo što tvrde direktor BiH gasa i premijer Džindić da se smanjila cijena gasa za 40%, zašto u Sarajevo gasu u prethodnom mandatu to nije učinjeno, da vidimo određene detalje kako bi i mi možda imali eventualno još neke prijedloge na ove zaključke Vlade. Hvala.

Poslanik/zastupnik Damir Marjanović.

Zahvaljujem se predsjedavajući. Ja sam se nadao da se neću morati javiti za diskusiju, očekivao sam odgovore od predstavnika federalne Vlade i BH gasa, no normalan s obzirom da fizički nisu tu, irealno je očekivati da ću ih i dobiti u nekom kraćem vremenskom periodu. Ali bože moj, kao što smo čuli ministara Mandić i Vlada su preuzeli obavezu da postave ta pitanja i zvaničnim putem i radujem se tim odgovorima kad tad kad dođu. Nekako bih volio da sumiramo cijelu priču. Volio bih da me neko ispravi ako griješim. Rado ću prihvatiti ispravku. Dakle Vlada je odlučila, Vlada Kantona Sarajevo je odlučila da građani Kantona Sarajevo ne budu taoci političkih prepucavanja i da ne budu žrtve ovih, ja ću reći jednostranih odluka koje dolaze sa federalnog nivoa i koji dolaze od kompanije koja se zove BH gas. Ako je to tako, ako sam ja to dobro shvatio, onda ja nemam ništa drugo da kažem nego da ću to i te kako podržati i tačka. Ali me i dalje izuzetno zanima, znate mi stalno idemo u neku korist, i moramo ići u korist građana Kantona Sarajevo, ali ljudi nas nisu postavili ovdje da bi išli na taj način korist, nego između ostalog da bi utvrdili zbog koga se ovakve stvari dešavaju. Evo sada ću vam reći zašto vi ste imali jedan jako interesantan intervju i Vlada Kantona Sarajevo je rekla da ide rebalans i rekli smo ove godine imamo i sreće, prihodi su mnogo veći, kroz taj rebalans smo odlučili da podržimo neke jako bitne, jako dobre projekte posebno iz obrazovanja, posebno iz rješavanja nečega što smo godinama govorili da ćemo riješiti liste čekanja u vrtićima, pojačat ćemo izgradnju nekih škola, vrtića i još mnogo. Izdvojit ćemo konačno, ja se nadam novce za Strategiju mladih o kojoj smo tako žučno pričali prije par sedmica kada smo imali tu tačku dnevnoga reda i za sve to treba novac. I ja sam kao zastupnik itekako bio sretan što u poređenju sa 2012 kada u budžetu nismo imali novac za 11 i 12 platu, sada stvarno možemo da odvojimo novac za nešto što se zove reforma. I sada je vrijeme da se rade reforme, ne samo u obrazovanju nego u svim segmentima. I n onda hladan tuš. Zašto? Pa evo sada sam čuo od ministra Mandića, evo sada čujem od svih nas, i mi ćemo to svakako podržati, ja to znam da ćemo dobar dio tog rebalansa, čini mi se 8 miliona KM, možda sam pogriješio neka bude 8 a ja ću reći 10 miliona KM morati da izdvojimo da subvencioniramo cijane ei da ove odluke i ove nazovimo ih kako god hoćemo jednostrane akte ne prelomimo preko leša građana. I može, izdvojit ćemo. Ali sam odmah u glavi iskalkulisao da je to barem jedna ili dvije moderne škole na području Kantona Sarajevo koje smo mogli napraviti. Odmah sam počeo da kalkulišem koliko je to besplatnih udžbenika koje smo mogli podijeliti. Odmah sam počeo da kalkulišem koliko je to stipendija za najbolje učenike, studente UNSA koje smo mogli podijeliti, ja nemamo ministra za rad uvaženog kolegu koji se bri stvarno svim silama. E tu ste. Odmah sam počeo da kalkulišem koliko smo mogli start up da pokrenuti, koliko smo novaca mogli od tih 20 miliona da damo za zapošljavanje mladih ljudi a stalno pričamo da nam je to jako bitna stvar. E ne. Znači građani Sarajeva moraju da znaju da na žalost tih 8 miliona KM ne možemo uložiti sve ove dobre stvari i mnogo još toga, modernizaciju policije itd. Nego moramo da uložimo da

subvencioniramo i da platimo, koliko se meni čini greška menadžmenta jedne kompanije. Ja bih rado demantirati sve ono što ć sada reći ali mislim da vi imamo slične informacije i o tom izvještaju Finansijske policije, i dalje su nezvanična, ja čekam da ga vidim koji jasno govore da je skoro 50 miliona KM otišlo na nešto što ne radi. Neka mi neko kaže da je to neka investicija a taj južni krak, slažem se su šer investicija. Ali država nekada morati investicije koje ne moraju nužno odmah donijeti i novac. Međutim onda sam htio da postavim pitanje jer sam malo provjeravao prema čemu se mi spajamo, znate spominje se Zagvozd. Koliko ja znam i koliko me informacije tamo ne postoje instalacije u Hrvatskoj i da tek te instalacije trebaju da naprave. A onda sam htio da ostavim pitanje ko će platiti te instalacije i kolika će biti cijena gasa koja dolazi sa te strane i kada će se to desiti? Pa onda, jel mi stvarno, kolega Suljević je to tako fino analizirao, plaćamo i ove održane gasovoda prema ribnjacima kako to ide, Visoko, koji su dopola iskorišteni i od sada više niko nema nikakve koristi od toga. Pa da li plaćamo greške ljudi koji i dalje rad u toj kompaniji koji nisu aktivirali neke dokumente, neke mjenice u nekim slučajevima. Ja ću to stvarano ostaviti svojoj kolegici Neiri, to je njega struka, ja se tu neću miješati. Za ovo iz tog novca između ostalog obezbjeđujemo platu ljudi koji su nas doveli u tu situaciju. Ja neću da negiram, vidim ja i cijene kako rastu i gasa i nafte i derivata i kurs dolara, nešto malo matematike znam i vidim kako to raste, pada itd. Ja bih opravdao neke stvari kada bih kao građanin svaki put kada plaćam taj račun vidio da kada cijena gasa je pala i kada je kurs dolara povoljan da ja plaćam manji račun. Ali to nije to. Neću ni da opravdam stanje u kantonalnim institucijama, u krajnjem slučaju kolega Mandić je rekao da će da preispita dobro stanje u tim kompanijama, da ih optimizira da daju maksimalno koliko mogu da daju. I to očekujemo od njih. Ali svaliti ovolika dugovanja i svaliti sve ovo na rad ili na neke propuste u kompanijama u kojima by the way rade još uvijek ljudi koji su prilično u prethodnim godinama imali jako fin odnos sa BH gasom, e taj dio mi nije jasan. Neko je spominjao danas taj dug prema Rusima. Ja sam malo preispitao se, mi taj dug prema Rusiji plaćamo 5 dolara na 1000 metara kubnih gasa koji uvozimo i to ide bez ikakvih problema, i koliko imam informaciju, volio bih da me neko demantuje, niko nije sada u ovom momentu postavio to pitanje tog duga, jer su ljudi zadovoljni tim dugom koji se plaća. Znači on nije razlog ovog iznenadnog povećanja, barem po meni. Neko je spominjao taj dug Sarajevo gasa, koliko se sjećam prošle ili prethodne godine je taj dug reprogramiran, jel tako? I koliko znam KS ispunjava svoje obaveze. Prema tome, šta se sada to promijenilo odjednom. Šta više čini mi se da su i kamate prilikom reprogramiranja tog duga bile ne neki način od strane Sarajevo gasa ostavljene sa strane. Šta se sada promijenilo osim vladajuće strukture u Kantonu Sarajevo pa da sada to predstavlja određeni problem. Ima još mnogo toga. Neću ulaziti u tehničke detalje jer nisam inženjer iz te oblasti ali neki ljudi su mi jako objasnili da u četiri mjeseca zbog zastarjele tehnike smo izgubili 400.000 KM. U razlici isporučenoga gasa. Volio bih da me demantuje neko. Jedva čekam da me neko demantuje. Ali i jedva čekam da mi potvrdi neko.

Znači ljudi koji vode ovu instituciju, tu instituciji su dozvolili taj gubitak i dalje. Kroz subvencioniranje koje mi radimo, i koje ćemo uraditi i koje ćemo podržati da građani ne osjete to političko prepucavanje, na žalost, indirektno ispada da mi štitimo nesposoban menadžment BH gasa, i tu mi je jako bitna stavka koje je Vlada rekla da će uraditi, da će preko određenih institucija Pravobranilaštva dobro preispitati ovaj slučaj i nadam se radujem se ako se ispostavi da sve ovo što se dešava sada da je bilo neopravdano i da ima isključivo političku konotaciju, ili konotaciju prikrivanja nečijeg nerada, nesposobnosti i lošeg vođenja institucije, da će ta ista osoba, ta ista institucija i svi ti ljudi ko ji su potpisali ovako nešto i odgovarati. E to je ono na čemu ću insistirati. Znači insistiram i podržat ću ovaj koncept koji je Vlada rekla da će da poduzme da spriječi da građani plaćaju više nego što bi smjeli i ne bi trebali, ali ću i te kako insistirati na svakoj sljedećoj sjednici možete očekivati od mene pitanje a šta ste poduzeli po pitanju tačke te i te vezano za utvrđivanje odgovornosti onih koji su nas doveli u ovu poziciju jer nemojte zaboraviti šta se sve može uraditi sa osam miliona KM u obrazovanju u zdravstvu, u sigurnosti, u pomoći možda USK sa ovom situacijom koju tamo imaju, a mi iz Sarajeva treba da razumijemo i da pomognemo koliko možemo, itd. Ja vam se zahvaljujem.

Predsjedavajući:

hvala kolega Marjanoviću. Zastupnica Neira Dizdarević ima riječ. Izvinjavma se kolega Marić se prijavio za repliku ranije, izvinjavam se.

Poslanik/zastupnik Zvonko Marić.

Zahvaljujem predsjedavajući. Zbog ozbiljnosti ove sjednice budući da je pomenuto moje ime, moram se očitovati i samo ću vrlo kratko reći par rečenica mada možda ne zaslužuju ni sekundu moje pažnje ali ću ipak reći. Kolega Stojanović je rekao osvrnuo se na ono što sam možda ja ironično i u šali rekao da sam savršeno nastupio u Domu naroda. Ali budući daje pomenuo Uredbu koja postoji još 2007 godine, neću reći ko je tada bio na vlasti ali je takva Uredba donesena. Ako kolega Stojanović nije se oglasio vezano za ovaj problem oko plina, ima priliku i ja ću ga podržati ukoliko on predloži tako nešto u Domu naroda. Međutim ono svojevrsna politička ostrašćenost koja se čula u njegovoj diskusiji, ja nisam pobornik niti fan toga, naprosto i nemam te sklonosti niti je to moj manir da to radim, da nekome kažem da se sklanja, kako bih ja nešto ostvario je svojevrsan cilj i zaista o tome ne bih da puno govorim. Ali ono što mislim je da je to što je rekao ministar Mandić vezano za moguće pojeftinjenje plina nakon NG, mislim da to nije neka stijena na ko joj treba graditi politiku oko nabavke i distribucije gasa, jer je to naprosto hipotetički, ko god zasniva na takvim stvarima neku strategiju, bojim se da nije u pravu. Na kraju, hoću da kažem i to nema nevinih u svemu ovome, i ta svojevrsna isključivost mislim da nas neće dovesti do bilo čega i do dobrog rješenja u krajnjem. Reći ću ja budući da je kolega Stojanović tek u prvom mandatu u ovoj Skupštini Kantona Sarajevo, ja sam bio i novinar pa sa tako pratio stvari. Samo bih podsjetio ovom

prilikom, radi ozbiljnosti ove moje replike, da je svojevremeno direktor BH gasa bio Sendijarević iz SDP-a koji je ostavio dug za neplaćeni porez od 3,5 miliona. Ja nisam mislio o ovome govoriti, ali evo hoću da to podsjetim. 3,5 miliona KM. A taj isti Sendijarević je bio ministar u ovoj Vladi kada se dešavalo formiranje cijena i dobavljača itd. Da je mogao znatno da utiče na politiku snabdijevanja i cijene u Kantonu Sarajevo. Samo radi tog podsjećanja i naprosto još moram reći jednu veoma bitnu činjenicu da moramo voditi računa o tome da ne prozivamo ljude i da ne budemo tako isključivi, da nismo u filmu teorija zavjera ovoga ili onoga, nego naprosto da argumentirane i hladne glave razgovaramo o ovom složenom problemu. I žao mi je što su sve ovo izignorirali ovu sjednicu ljudi sa federalnog nivoa i na taj način je da su nas onemogućili da konstruktivno pristupimo ovom problemu.

Poslanik/zastupnik Igor Stojanović.

Prije svega hvala kolegi Mariću što će me podržati na Domu naroda, značit će mi ta podrška. Ne znam da li će baš moći s obzirom na učestvovanje u koaliciji ali vjerujem da će on stati iza svojih riječi. Ono što želim da kažem kada je u pitanju i bivši direktor i ministar Sendijarević a i bilo koji drugi čovjek iz SDP koji je participirao u Vladi ja očekujem da za sve svoje postupke odgovara. I ne mislim štiti nikoga, pogotovo ne iz SDP-a nekoga ko nije radio u skladu sa bilo kakvim aktima, ili da bude izložen kritici za svoj eventualni nerad. Samo ću reći da je Mirza Sendijarević koji je spomenut za svoj rad od Nezavisne revizorske kuće dobio pozitivan revizorski izvještaj. Ali za razliku od njegovog revizorskog izvještaja, njegov kolega prije njega, Almir Bećarević nije dobio pozitivan revizorski izvještaj. I još od tada se vuku neke stvari koje su vezane za prije svega neodgovorno poslovanje i rad kada je u pitanju BH gasa. Ali moj razlog replike je također i ostrašćenost o kojoj govori zastupnik Marić. Činjenica jeste, ja sam ostrašćen i ne znam ko ne bi bio kada dva čovjeka koja utiču na energiju, na gas u BIH kritikuju jedan drugog cijeli mandata i ne slažu se, a odjednom izađu sa zajedničkim političkim stavom, i sve to građane Kantona Sarajevo treba da košta 30% povećanja na plin, jesam ostrašćen sam jer zbog političkih stvari u ovoj zemlji očigledno da bi se prepucavale unutar stranaka određeni ljudi i stranke međusobno, plaćaju isključivo građani. I mi se svi ovdje kunemo kako želimo da zaštititi interese građana, a onda ponovo dođe ista situacija koja se dešava 20 godina da nakon političke mržnje dođe politička ljubav i 30% veća cijena. I jesam ostrašćen sam i očekujem veću odgovornost od svakog onog koji obavlja funkciju i to sam očekivao i u prošlom mandatu i očekujem već ako želite da ostanete na toj poziciji direktor BH gasa ili ministar očekujem da to već kada kritikujete onda evo sada promijenite jer ste preuzeli direktnu odgovornost da vodite taj segment na nivou FBIH. I to ne očekujem da prozivate niži nivo vlasti, što je u ovom slučaju Vlada Kantona Sarajevo da izađe na granice i da piše određene uredbe kada je to vaš zadatak. To je neodgovorno, to je neprincipijelno i to govori o vašoj nesposobnosti. Odnosno ne vašoj nego tih direktora i ministra koji obavljaju te dvije funkcije. Hvala lijepo.

Poslanik/zastupnik Zvonko Marić.

Zahvaljujem predsjedavajući. Zaista nemam namjeru da polemiziram o ovakvim stvarima samo sam se u neakvu ruku pribojavao da će ovakav istup pokrenuti negativnu energiju što je potpuno bespotrebno u ovom trenutku i ne bih volio da ostrašćenost kolege Stojanovića utiče da bi se ta energija ovdje pokrenula i ovdje izazvala ružne konotacije i ne bih volio da nas opterećuje njegova ostrašćenost pri rješavanju ovakvog problema. Ali ću reći da se mora također u neku ruku voditi računa ot ome, a to je notorna činjenica da možda najpresudniju ulogu ili uticaj na visinu cijene plina u Kantonu Sarajevo upravo igra Sarajevo gas. Pa marža Sarajevo gasa je presudno utiče na cijenu plina u Kantonu Sarajevo. Ko to ne zna bolje da ne razgovara o ovakvim stvarima. I još jednu stvar samo da kažem da sam obećao da ću podržati taj prijedlog vezano za Uredbu kolege Stojanovića, ne na Domu naroda nego na sjednici Doma naroda. Dakle to je za mene posve različiti, jedno je Dom naroda i biti na Domu naroda, a drugo je biti na sjednici Doma naroda, to sam rekao i ostajem pri tome. Moram reći da ovo nije neko posebno rješenje kojim se treba podičiti kolega Stojanoviću iz prostog razloga što je iz budžeta od novca u Kantonu Sarajevo od građana dajemo da bi sanirali ove štete ili preduprijedili mogući udar na njihove budžet. Znači uzimamo od njih. A zamislite te novce koje smo uzeli za takvo nešto da smo uložili neke druge projekte veoma važne za ovu društvenu zajednicu u kojoj živimo. Ne smijem ni da razmišljam o takvim stvarima i ne treba da se dičimo da je to fenomenalna rješenje da bilo koga fascinira i impresionira što smo uzeći od građana novac da bi zaštitili od naše pogrešne politike koja se dugo godina vodi u ovoj oblasti. Dakle nema nevinih u ovom lancu kolega Stojanoviću.

Predsjedavajući.

Kolega Stojanoviću zadnja replika kolegi Mariću.

Poslanik/zastupnik Igor Stojanović:

hvala kolega Marić na ovim lingvističkim korekcijama, jezičkim korekcijama. Vidi se da ste bili novinar da vodite o tome računa, ali bih volio da više vodite računa o tome kako će živjeti građani i da ste i vi malo više ostrašćeni kada je u pitanju težina života kojim građani Kantona Sarajevo žive i koji očigledno da Federalna Vlada i direktor BH gasa planiraju da ih natovare dodatno. Ne mogu biti miran i u pravu ste, ponovo vam ponavljam i želim ovu Skupštinu kako ste rekli da natovarim ovakvom diskusijom da bi shvatili o kakvom se problemu radi i da bi slično reagovali da ovakav udar na građane Kantona Sarajevo zaustavimo. I zbog toga očekujem da svi uložimo dodatno napore.

Predsjedavajući:

kolega Marić ispravka krivog navoda, imate vi još dvije minute, ali po Poslovniku odmah se prekida i diskutantu daje riječ. Marić ispravka krivog navoda.

Poslanik/zastupnik Zvonko Marić:

možda jezička, lingvistička kako god hoće neka shvati kolega Stojanović. Ni u jednom trenutku nisam rekao da gospodin Stojanović tovari ovu Skupštinu jer to nije naprosto moj izraz. Ja nisam ni u kakvim tovarima govorio niti tovaranju. I na koncu drago mi je da kolega Stojanović brine za građane, onda je moja potpuno bespotrebna briga zbog njegove prenatrpane brige za građane. Eto vi se brinete u interesu građana zbog njegove prenatrpane brige za građane. Eto vi se brinete kolega Stojanoviću u interesu građana a drugi ništa. Drago mi je zbog toga, i ja vam čestitam u to ime. Hvala.

Predsjedavajući:

kolega Stojanoviću još dvije minute imate diskusije, izvolite.

Poslanik/zastupnik Igor Stojanović.

Da, ja se brinem. U svakom slučaju mnogo više nego neki zastupnici ovdje i mnogo manje vodim računa i o kolegama koji nisu dobro radili iz moje stranke za razliku od pojedinih zastupnika koji prije svega vode računa ovdje o stranci o svojim stranačkim kadrovima i dalje ću tako nastaviti da radim i bit ću vrlo srčan kada je u pitanju interes građana Kantona Sarajevo. Očekujem da tako reaguju svi ostali zastupnici, da se izdignu iznad uloga unutar svojih stranaka, očekujem da pokažu odgovornost i da predlože određene mjere koje će zaštititi njegove interese a ne interese njihovih kolega koji će im sutra možda koristiti za neke njegove lične ili uskostranačke interese. Dakle, ovdje treba govoriti vrlo otvoreno i o svojim kadrovima koji su pogriješili i govoriti na kraju krajeva i o odnosima kojima je ministar Mandić pokušao na neki način da ne govori o prošlosti ali ne možemo zanemariti vrlo blisku prošlost u kojoj su direktor BH gasa i ministar bili u vrlo lošim odnosima a sada u iznenađujućoj ljubavi i nema tu druge riječi osim da se kaže politička jedna ljubav koja treba da nastavi jednu situaciju koja će biti vrlo teška za građane Sarajeva i to moramo zaustaviti što prije. Hvala.

Predsjedavajući:

nemate više prava replike. Jedan ste drugom ispucali po dvije replike. Imali ste ispravku krivog navoda. Mi vas upisali. Imam ja repliku kolegi Stojanoviću da mi ne oduzme vrijeme od moje diskusije ko ju sam pripremio. Dakle informacije kako Sarajevo gas nije snizio cijene onda kada je to radio BH gas apsolutno nisu tačne i nemoguće. Objasnio je ministar Mandiću uvodu cijenu Sarajevo gas formira na način da odmah nakon korekcije cijene od BH gasa i bez saglasnosti Vlade utvrđuje novu cijenu u odnosu na onu koju dobiva od BH gasa. Nisam ja moram reći ni pročitao takvu informaciju, ne znam jeste li je vi krivo shvatili.

Ali da neko kaže da je snizio 40% a da Sarajevo gas nije, to je apsolutno netačno. Dodajem uz ovu repliku i ono što smatram smiješnim a dolazi nam s višeg nivoa, što nam prigovaraju da je Sarajevo gas povećalo cijenu distribucije. Tačno je, to je Vlada na čijem sa čelu bila odobrila sa 2 feninga na 3 feninga, prihod po tom osnovu je negdje oko milion KM. I podsjećam još jednom da smo te dvije firme zatekli u velikim gubicima zbog kojih je BH gas trpio pritisak od Gasproma i da smo tim korekcijama cijene potpuno stabilizirali ovo tržište. Dakle 2014 se pričalo da li će ili neće biti gasa u Kantonu Sarajevo, od 2014 to nije bio slučaj jer smo bili hrabri da i onda kada je pada cijena energenta na tržištu u Toplanama istu povećamo jer je tamo bila nenormalna neekonomska cijena zbog koje je ovo preduzeće bilo u minusu od skoro 100 miliona KM. Mi smo je stabilizirali. A govorit ću nakon ove replike o poslu svih menadžmenta BH gasa. O tome imam egzaktne podatke, niko se tamo nije proslavio na žalost, mnogo je propusta svih menadžmenta ali ću o tome detaljnije kroz svoju diskusiju. Zahvaljujem. Zastupnica Segmedina Srna Bajramović ima riječ. Pardon bila je Neira Dizdarević prijavite se ponovo.

Poslanik/zastupnik Neira Dizdarević:

hvala predsjedavajući. Ja sam također imala čitavu listu pitanja za federalne predstavnike koji danas na žalost se nisu niti pojavili i rekla bih u jednu ruku da je to zaista bahatost a s druge strane bilo bi zanimljivo vidjeti tu dozu hrabrosti ovdje pred građanima Kantona Sarajevo kakvu su pokazivali u svojim medijskim istupima prethodnih sedmica. Vjerovatno ću se jednim dijelom i ponoviti u svojoj diskusiji, unaprijed se izvinjavam na tome, ali opet smatram da je potrebno neke stvari više puta ponavljati posebno kada se radi o milionskim iznosima promašenih investicija koje BH gasa poduzimao u proteklom periodu. Vlada FBiH je dala saglasnost na povećanje cijena plina u iznosu od gotovo 30% to smo imali priliku više puta čuti i svoju odluku Vlada FBiH je pokušala opravdati stanjem u BH gasu. Stanje u ovoj kompaniji jeste zaista teško, ali hajde da malo analiziramo ustvari koji su uzroci istog. Naravno u mjeri u kojoj je to moguće s obzirom da čak ni Vlada FBiH već dvije godine nije razmatrala finansijske izvještaje BH gasa, dakle za 2017 i 2018 godinu a donijeli su odluku o povećanju cijena plina za gotovo 30%. većinu informacija za današnju sjednicu mogli smo naravno crpiti iz prethodnih izvještaja, ja ću se fokusirati na izvještaj ureda za reviziju institucija u FBiH, a također 2014 i 2015 godina bile su predmetom kontrole i nadzora od strane Finansijske policije. U Izvještaju Ureda za reviziju data je osnova za izražavanje mišljenja u kojoj je navedeno da se ne može potvrditi vrijednost investicija u toku iskazanih u finansijskim izvještajima u iznosu od gotovo 41 milion KM, koje se odnose na izgradnju gasovoda Zenica – Travnik a koja su trebali biti završena do oktobra 2013 godine za koju evo već šest godina nije izvršen tehnički prijem niti je pušten u funkciju zbog funkcionalnih i sigurnosnih propusta te za ovu investiciju ne postoji niti je urađena distributivna mreža prema krajnjim potrošačima kojima bi se vršila isporuka plina zbog čega se ne može potvrditi opravdanost i efikasnost

ulaganja u ovu investiciju. BH gas je zbog navedenih činjenica, u skladu naravno s međunarodnim računovodstvenim standardima bio dužan izvršiti procjenu da li postoje pokazatelji da je vrijednost ove investicije treba umanjiti, što nije učinjeno. Također u izvještaju ureda je navedeno da društvo u finansijskim izvještajima za 2014 isknižilo obaveze u iznosu od 29 miliona KM, koje su evidentirane u periodu 2000 do 2014 godine, po osnovu preuzetih kredita od Sarajevo gasa prema EBRD-u i to obaveze glavnice 20 miliona, i ukalkulisane kamate jače od 8 miliona, koje su evidentirane u korist prihoda a za navedene knjigovodstvene radnje društvo nije obezbijedilo odluke organa upravljanja, odnosno Nadzornog odbora i Skupštine, što je bila obaveza u skladu sa zakonom o privrednim društvima i Zakonom o javnim preduzećima. Iskazana vrijednost gasovoda Zenica Travnik o čemu su kolege već govorile i koja iznosi oko 41 milion KM realizovana je iz sredstava EBRD u ukupnom iznosu od 17 miliona eura. Nije izvršen tehnički prijem, nije izdata upotrebna dozvola i gasovod nije pušten u funkciju jer ne postoji niti jedan kupac, odnosno niti jedan korisnik gasne mreže zbog neizgrađene distributivne mreže, pa se postavlja pitanje zašto se nije uradila revizija studije izvodljivosti ove investicije i što se nisu poduzele aktivnosti na izgradnji distributivne mreže. Dakle, ne može se potvrditi opravdanost ulaganja u izgradnju gasovoda Zenica Travnik 41 milion, što naravno dalje ima negativne posljedice na nelikvidnost i finansijski rezultat kompanije. U revizionom izvještaju za ekonomsku studiju gasifikacije SBK koju je uradio Petrol invest u decembru 2011 godine prikazana je stvarna potreba za prirodnim gasom u odnosu na potrebe koje su date u onoj iz 2006 godine, i uz to je navedeno da su potrebe za prirodnim plinom smanjenje za 57,76% od utvrđenih potreba po tehno-ekonomskoj studiji. Tako da se predviđalo da bi potrošnja prirodnog gasa mogla iznositi tek 33 miliona kubika u odnosu na onih 80 miliona prvobitno u optimističkoj varijanti planiranih. Studija je urađena 2006, u realizaciju se krenulo 2011, pet godina nakon iste bez prethodne revizije. Dakle postoje indikacije da su rezultati namješteni kako bi se dobila isplativost koja je naravno jedna od glavnih uvjeta za dobijanje kreditnih sredstava. To rasipanje javnog novca od strane ove kompanije ne završava, pa tako direktor BH gasa zaključuje i ugovore o djelu sa fizičkim licem, kojem je izvršena isplata u ukupnom iznosu od cca 35.000 KM za pomoć u nadzoru realizacije projekta izgradnje gasovoda Zenica Travnik, iako je u skladu sa zakonom o građenju investitor dužan osigurati stalni nadzor nad građenjem. Dalje fizičkim i pravnim licima, vlasnicima katastarskih čestica kod kojih je po projektnoj dokumentaciji trebao da bude izgrađen gasovod Zenica Travnik, izvršena je isplata sredstava za eksproprijaciju zemljišta iako na istim nije izgrađen projektirani gasovod, odnosno iste se nalaze na udaljenosti od cca 850 metara od gasovoda. Isplaćeni iznos od gotovo 90.000 KM. Postoje indicije da je gasovod Visoko Brnjaci izgrađen prvenstveno za potrebe društva tvornica Vapna doo Kreševo u grupaciji Stanić kojima je zbog neplaćenih dugova isključen dotok gasa, a protiv subjekata pokrenute tužbe kod općinskog suda u Sarajevu. S obzirom da je utuženim privrednim društvima isključen dotok gasa,

oni su bili ujedno i jedini potrošači istog, trenutno u ovom gasovodu nema aktivnih potrošača, što potvrđuje da je investicija Visoko Brnjaci promašena investicija, investirano preko 5 miliona KM, i da su ostala nenaplaćena potraživanja od kupaca u iznosu od 3 miliona, što ukupno iznosi 8 miliona. Poslovni odnos BH gasa i fabrike glinice Birač završio je sa iznosom od 23 miliona duga zbog propusta i nečitko popunjenih mjenica, čitavih 72 komada bez pokrića. Protest mjenice koje su trebale služiti kao kolateral za sigurnu naplatu nije izvršen čime je ostala nemoguća naplata višemilionskog potraživanja, kako sam gore spomenula radi se o iznosu od 23 miliona. Stoga se postavlja pitanje da li je iko odgovarao za ovaj propust. To je još jedno pitanje koje na žalost danas ostalo bez odgovora s obzirom da nemamo federalnih predstavnika. Dakle, ovo je priča koja definitivno ima političku pozadinu, ovo je udar na Vladu Kantona Sarajevo, ustvari osveta građanima Kantona Sarajevo koji bi sada trebalo da plate cijenu propalih investicija milionskih investicija i propusta odgovornih u kompaniji kao i odsustva sistema internih kontrola o čemu je dat nalaz u izvještaju Ureda za reviziju institucija o kojem sam ranije govorila. Imamo promašene investicije koje se još uvijek otplaćuju. Rate prispijevaju a investicije naravno ne polučuju prihode i tu razliku treba nadomiriti na najlakši mogući način, iz džepova građana Kantona Sarajevo. Ova Skupština prvenstveno, naravno i Vlada Kantona Sarajevo to ne može, ne smije dopustiti da građani Kantona Sarajevo budu žrtve političkih igara, pa makar to značilo i odustajanje od određenih projekata i preusmjeravanje ovih sredstava u iznosu od 8 miliona u svrhu ublažavanja posljedica poskupljenja prirodnog plina koje ćemo rebalansom usmjeriti očito u ovu svrhu. A tih 8 miliona slažem se s kolegom Damirom Marjanovićem itekako bi jako značili u zdravlju, saobraćaju, za projekte djeci sa poteškoćama u razvoju. Nije to nimalo zanemariv iznos također ovdje imamo i aspekt zaštite okoliša o kojem su kolege također govorile gdje smo se ponovo mogli izložiti riziku da naši sugrađani uslijed poskupljenja plina prelaze sa grijanja na plin na alternativne izvore grijanja iako se mi godinama borimo da taj broj građana koji koriste prirodni plin bude što veći i ona stavka subvencioniranja plinskih priključaka je naravno obavezna stavka svake godine u budžetu Kantona. Dakle da zaključim, puna podrška predloženim mjerama Vlade iz apel naravno da se poduzmu sve potrebne aktivnosti jer očito ukoliko nam određeni parametri u buduću ne budu išli u korist, morat ćemo amortizovati ove udare sa kojima ćemo se suočavati do kraja grejne sezone, odnosno blagovremeno planirati mjere u budžetu za 2020 godinu. Toliko. Hvala.

Poslanik/zastupnik Segmedina Srna Bajramović:

hvala. Pa ja ne želim da se ova naša današnja sjednica pretvori u ganjanje vještica i politička prepucavanja, jer je jasno kako sav taj politički cirkus uvijek plate poreski obveznici iz svojih novčanika. Zato ću pokušati da govorim isključivo argumentima i pokušat ću zapravo da našu današnju raspravu

usmjerimo da svu tu našu kreativnost realizujemo kroz konkretna rješenja a da prepustimo nadležnim institucijama da vode postupke za eventualne poteze koji su u koliziji sa zakonom, koji su bili u koliziji sa zakonom i bilo ko da ih je počinio. Želim vjerovati da svi mi u ovoj sali danas imamo dobre namjere i da smo svjesni kako je istoriji bilo loših poteza, dominantno političkog menadžmenta, te da je svako u domenu svoje odgovornosti uradio sve što može, mi danas sigurno ne bi bili u ovoj situaciji u ko joj se nalazimo. Puno je stvari pisano u izvještajima revizije privrednih subjekata koji su nosioci plinskog biznisa preko kojih se nekako olako prelazilo i da smo svjesni da je zapravo samo trenutak, pokušavam doći do izvještaja vezano za reviziju, nešto je. Dobro imam ja to i u pisanoj formi. Dakle olako smo prelazili preko revizorskih izvještaja i nije ni čudo da smo završili u fazi da sve loše odluke građani isključivo plaćaju korekcijom cijena. To je očigledno najbrži i ne baš mnogo pametan potez ali nije sigurno i najbolji, pogotovo ne u principu obuhvata. Prethodno ne analizirajući unutrašnje kapacitete kojima je procenat korekcije sigurno mogao biti manji. Recimo jedan od primjera iz nalaza revizije 2014 godine za BH gas koji citiram: „ da revizija ne može potvrditi vrijednost investicija iskazanih u finansijskim izvještajima u iznosu od 40. 862.422 KM koje se odnose na izgradnju gasovoda Zenica Travnik. Navedena ulaganja trebala su biti završena 31.10.2013 godine, već su o tome kolege ranije govorili ali do okončanja revizije 2015 godine nije dakle izvršen tehnički prijem niti je pušten u funkciju zbog konstatovanih funkcionalnih i sigurnosnih propusta. Dakle, vrijeme je da se konačno pogledamo u oči. Otvoreno stvari nazovemo pravim imenom dogovorimo red odgovornih poteza koji će ovu priču dugoročno postaviti na puno zdravije temelje i za privredu. Pripremajući se za ovu sjednicu i konsultujući se sa ekspertima iz energetskog biznisa, pokušala sam da hladne glave analiziramo ova problem, problem plina jer je očigledno da nam se isti skoro svake godine kao bumerang vraća samo u različitim formama. Nekada kao problem nepostojanja strategije, pa onda Zakona o plinu, menadžmenta, ogromnih dugova, nestašice plina, nedovoljnih ili pogrešnih investicija, političkog sporenja oko alternativnih plinovoda, domaćih nalazišta, pa evo i na kraju cijenjene. Dakle plin danas jeste dominantno pitanje cijene ali bojim se da pored nje imamo još barem deset drugih ozbiljnih problema u okviru postavke ovog plinskog biznisa o kojima moramo povesti računa, jer nam je cijena zapravo samo najveća posljedica zato što ona najdalje odjekne u javnosti, zato što direktno utiče na raspoloživost dohotka i generalno život ljudi. Plin je u ovoj zemlji možda najbolji primjer štetnosti devijantnog sistema podijeljenih nadležnosti i monopola koji političkim menadžmentom tj administrativnom mjerom može srušiti sve vaše kantonalne politike. Od socijalne, ekonomske i na kraju, ekološke. Ne vjeruju nam ni građani više. Već odavno nam ne vjeruju, predugo ih se vara, i očigledno je da kao država ne znamo voditi politiku cijene energenata, jer bojim se da kretanje cijena na svjetskom tržištu bilo plina ili nafte ne prati objektivno kroz korekcije u naše domaće okruženje. Ovdje svi dobro znamo o čemu govorim. Pričati kako smo po eurostatu sedmi odozdo po

jeftinom gasu od 30 zemalja, sa našim ekonomskim stanjem je potpuno odsustvo ozbiljne argumentacije. Morate priznati da postavke sistema u kojima je minimalna plata 406 KM i penzija 372 KM ne daje za pravo nikome u ovoj zemlji da tako olako, bez detaljne i objektivne analize koristi argumente kako je povećane cijene plina opravdano sa aspekta održivosti biznisa. U zemlji u kojoj je politika mjesečni život radnika procijenila na 400 KM i penzionerima na 372 KM ta ista politika mora učiniti puno više prije nego povuče potez sa obrazloženjem, ovakvim obrazloženjem koje smo dobili koje sadrži niz socijalno neprihvatljivih, tehnokratsko menadžerskih rečenica. Nismo ništa učinili da analiziramo povezani plinski biznis s aspekta unutrašnjih kapaciteta na principima veće efikasnosti i racionalnosti jer nam je jednostavno postalo najjednostavnije administrativnom mjerom zavući ruku u džep građana i privrede. Ne može više, taj džep je već odavno prazan ili se povremeno puni iz kredita, i puca pod pritiskom ove države da nahrani tu nezasitnu hobotnicu. Da ne govorim kako nam ove situacije oko povlašćenih političkih potrošača u komunalnoj privredi koje smo imali nedavno dodatno podgrijavaju taj rast nepovjerenja o kojem sam maloprije govorila kod građana da se s pravom pitaju šta je to sve što politika nanovo ugradi kroz korekciju neke cijene, ovdje govorimo o korekciji cijene plina. Izvještaj Agencije za bankarstvo pokazuju da se građani i privreda sve više zadužuju da prežive i održe tekuće poslovanje i moramo se probuditi ili će se ovaj sistem raspasti sam od sebe, trendovi masovnog odlaska kojima svjedočimo prvi su znak da temelji ovog aligatorskog sistema ozbiljno počinju da se tresu. Činjenica je da od oktobra do danas cijena gasa na svjetskom tržištu niža za nekih 46% tako da razlog da se poveća cijena gasa, zbog neke cijene na svjetskom tržištu zaista ne stoji, i mislim da to nikako nije ozbiljan argument, bez obzira na obrazloženje Vlade FBiH kako je ona subvencionirala zadnju zimu, uz navode da se ranije korekcije cijene nisu adekvatno prenijele kroz Toplane do građana. Sva argumentacija kojoj smo svjedočili u međusobnom prepucavanju idu u prilog tvrdnji da je cijena dominantno posljedica lošeg sistema od vrha do dna i da je suština političke utakmice u boljim rješenjima a ne javnom prepucavanju ko je kriv. Svi smo krivi. Dakle godinama javnost ne zna ništa šta je sa akumuliranim gubicima po osnovu nenaplativih potraživanja od Glinice Zvornik. A radi se o tolikom iznosu da ukoliko bi se isti naplatio sigurno narednih pet do deset godina ne bi bilo nikakve potrebe za povećanjem cijene plina. Da ne govorim kako iz Udruženja poslodavaca navode kako je cijena plina u FBiH za 40% viša u odnosu na Njemačku i mislim da to dovoljno govori u kakvu poslovnu nekonkurentnost dovodimo našu i onako krhku privredu. Valjda je svima jasno da višu cijenu gasa za privredu u konačnici opet plaćaju građani jer povećanje gasa dovodi do poskupljenja svih drugih proizvoda i usluga za stanovništvo. Privrednici su isto tako rekli da ukoliko se cijena gasa ne koriguje u narednih nekoliko mjeseci oni će morati preći na čvrsta goriva. Kanton Sarajevo je i do sada bio na crnoj listi Europe zbog zagađenosti zraka a da ne govorimo kroz šta prolazimo u zimskim mjesecima. I umjesto jednokratnih rješenja država bi trebala konačno predstaviti

dugoročni model, prema kojem bi u slučaju povećanja cijene sirovina na berzama smanjivala svoje apetite kako bi krajnjim korisnicima, poduzetnicima i građanima, onima koji pune državni budžet omogućila manju cijenu energenata. Pa evo možemo tretirati da govorim u ime Kluba? Hvala. Da ne govorim da je već drugo vrijeme da se napravi analiza i da li je možda jedno od rješenja da se plin oslobodi PDV-a. Nama ovakva postavka plinskog biznisa ne treba i nije baš velika mudrost potpisati papir u kojem preračunate cijenu plina na svjetskom tržištu, dodate maržu i sve to prebacite na građane. Kada dobijete ovakvu odluku sa aspekta cijene onda vam je jasno da morate revidirati sve, od programa subvencija i socijalne politike, od poticaja u privredi koji treba da neutraliziraju ove efekte o kojima sam govorila, kojima će građani plaćati skuplje proizvode i na kraju sve to uklopiti na način održivosti svih strategija operativnih planova vezanih za smanjenje zagađenja zraka. Nama očigledno trebaju zajednička rješenja za efikasno, kontinuirano finansijski racionalno snabdijevanje gasom što većeg broja potrošača. Ukoliko neke stvari ne promijenimo, uzimajući u obzir nas same kada je u pitanju način upravljanja, morat ćemo svake godine planirati milionsku tekuću rezervu iz budžeta iz koje ćemo finansirati programe subvencija da nam se ljudi ne bi vraćali na čvrsta goriva i na taj način pogoršavali i onako lošu ekološku sliku Sarajeva. Ne znam postoji li odluka koja je zaista dublje poremetila sve postavke sistema i koja toliko traži sinhroniziran odgovor svih nivoa vlasti da šteta bude što manja. Hvala puno.

Poslanik/zastupnik Jasmina Bišćević – Tokić.

Zahvaljujem predsjedavajući. Pa evo želim da se osvrnem na neki period dok je bila i bivša Vlada. Građani Kantona Sarajevo se sigurno sjećaju da je 2015 bio period agonije i nesigurnosti u gasnoj privredi kroz stalne medijske najave hoće li biti gasa i redukcije kao i period izuzetno nepotrebno visoke cijene prirodnog gasa. Cijena prirodnog gasa u tom periodu, iako je smanjivanja od strane ruskog dobavljača ista nije smanjivana prema distributivnim preduzećima od strane tadašnje uprave BH gasa. Htjela sam se javiti kolegi Stojanoviću na repliku, ali evo predsjedavajući vi ste već rekli da se u suštini smanjuje ili povećava cijena u Sarajevo gasu kada se poveća ili smanji u BH gasu. Formiranjem svakako novih, kako kantonalnih tako i federalnih Vlada u 2015 godini kao i odgovornim poslovima, politikama i stručnim kadrovima preduzeća počelo je rješavanje dugogodišnjih problema u gasnom sektoru. A čega je i svjedok i sadašnji predsjedavajući Skupštine Kantona Sarajevo koji je tada obnašao funkciju premijera. U oktobru 2015 godine Vlada FBiH je smanjila cijenu prirodnog gasa a Vlada Kantona Sarajevo je korigovala cijenu distribucije prirodnog gasa što je dovelo do smanjenja konačne prodajne cijene gasa i ponovnog vraćanja potrošača na prirodni gas. Ono što želim istaći pored već prethodno rečenog, čemu su doprinijeli Vlada FBiH i Vlada Kantona Sarajevo jesu i njihove saglasnosti za potpisivanje reprograma koji su doveli svakako do stabilizacije dužničko povjerilačkih odnosa upravo u trokutu između Toplana Sarajevo gasa i BH gasa. Navedena stabilizacija ogleda se u potpisanim reprogramima

dugovima, i to tačno u februaru 2017 godine između KP Toplane i KP Sarajevo gas gdje se dug akumulirao prema Sarajevo gasu, zatim u junu 2018 godine između Sarajevo gasa gdje se dug akumulirao prema dobavljaču prirodnog gasa, tj prema BH gasu. Posebno želim naglasiti ono što se ovdje neminovno uočava to je pozitivan rezultat prethodno izloženih poduzetih aktivnosti, a to je: obezbjeđenje apsolutno redovnog izmirivanja tekućih faktura, uredno prema potpisanim programima, bez kašnjenja i bilo kakvih problema izmirivanje starih reprogramiranih dugova kako od strane Toplana prema Sarajevo gasu tako i od strane Sarajevo gasa prema BH gasu. Dakle, nemoguće je ne uočiti da preduzeća koja su bila pred stečajem upornim radom svih sudionika u ovom procesu su došla do stabilizacije kako pojedinačno tako i u segmentu cijele gasne privrede u Kantonu Sarajevo. Nadalje, ne treba izostaviti činjenicu da se kretanje cijene prirodnog ruskog gasa, veže za kretanje nafte i naftnih derivata na svjetskom tržištu što se naravno odražava i na krajnje cijene gasa na našem tržištu. U 2018 godini cijena nafte i naftnih derivata je rasla ali ostaje nejasno zašto organi upravljanja BH gasa nisu u prošloj godini povećali cijenu prirodnog gasa i time izbjegli drastični udar na potrošače prirodnog gasa u FBiH, do kojeg je došlo sada u 2019 godini. Međutim vrlo mi je čudna reakcija ove Vlade Kantona Sarajevo da se tek sada saziva hitna sjednica sa ovom tačkom dnevnog reda, kada su još u januaru 2019 godine premijer Forto i ministar Mandić bili na sastanku sa menadžmentom BH gasa. Još tada su bili upoznati sa ovom činjenicom, pa zašto su onda šutili cijelo vrijeme i tek se hitna sjednica saziva u ovom trenutku. Zašto onda nisu poduzeli sve mjere zaštite potrošača prirodnog gasa, za građane Kantona Sarajevo. Zašto se čekalo da Vlada FBiH i resorni ministar Džindić najave povećanje plina, a tek onda da reaguje Vlada Kantona Sarajevo pri čemu je već sve od prije znala i prije aprila za ko ji je ministar Mandić govorio. Koje objašnjenje za ovako inertnu i zakašnjelu reakciju. A evo napomenut ću vas da nismo imali ni materijal objavljen na web stranici nego da je materijal došao danas u 11 sati, zbog čega je sjednica pomjerena sa 10 na 11 sati. Ali vratit ću se na Kanton Sarajevo i reći da od 2015 godine imamo odličan rezultat Sarajevo gasa i toplana te unazad tri godine nismo imali ni jednu negativnu informaciju u medijima vezano za ova preduzeća. U vezi sa ovim, prethodnim izloženim, htjela sam također da predložim Vladi Kantona za subvenciju jer nisam imala materijal da će to zaključcima predložiti, ali isto pored navedenog ono što treba da bude sljedeći zadatak ove Vlade Kantona Sarajevo i odgovornih resornih ministarstava jeste sačinjavanje socijalnog kartona svakog potrošača u Kantonu Sarajevo kako bi bili u mogućnosti brzo i adekvatno pripremiti mjere zaštite osjetljive kategorije potrošača u slučajevima različitih kretanja na tržištu. Zahvaljujem.

Poslanik/zastupnik Senad Hasanović.

Zahvaljujem dopredsjedavajući. Pozdravljam sve prisutne kao i gledaoce kraj malih ekrana, cijeneći vrijeme svih zastupnika, želim samo napomenuti da ću govoriti u ime kluba DF. Odluka Vlade FBiH da kompaniji dopusti povećanje

cijene prirodnog gasa u trenutnim okolnostima je neprimjerena mjera, jer je donesena od strane izvršne vlasti u tehničkom mandatu. Temeljem iste građani Kantona Sarajevo kao najveći potrošači gasa slobodno mogu zaključiti da se račun za probleme u poslovanju BH gasa ponovo ispostavlja njima kao krajnjim potrošačima. Također u javnosti je ostao dojam da je ista donesena kao sredstvo pritiska na novu Vladu Kantona Sarajevo i iskreno se nadam da to nije po srijedi. Jer ako jeste, to je neprihvatljiv presedan i sunovrat one politike koja smatra da se preko leđa građana može isposlovati određeni politički cilj. Ulazeći u samu suštinu za pokretanje hitne sjednice Skupštine Kantona Sarajevo to je naša obaveza jer će reperkusije uslijed pomenute odluke biti prije svega te odluke će prije svega podnijeti građani našeg Kantona. U tom smislu važno e pomenuti da je 54 000 korisnika usluga Toplana kao i oko 500.000 domaćinstva korisnika usluga Sarajevo gasa, dovodi u situaciju da osnovnu potrebu za korištenjem toplotne energije plaćaju skuplje a o uticaju na poslovanje privrednih subjekata koji koriste gas suvišno je i govoriti. Sasvim opravdano se postavlja pitanje da li je Vlada FBIH uopšte polazila od interesa građana i privrede. Gledajući socioekonomski, ekološki-okolinski, zdravstveni i energetski kontekst na koji utiču cijena gasa, dolazimo do poražavajuće činjenice da se Vlada FBIH očigledno rukovodila čisto ekonomskom računicom. Međutim mora se ukazati da se ova odluka donosi u momentu kada ne postoji validna strategija zaštite okoliša FBIH jer se dosadašnja odnosila na period od kraja 2018 godine. Da li je riječ o zloupotrebi pravnog vakuuma neka prosudi javnost. Ali ono što pada u oči jeste činjenica da Vlada FBIH ostaje u obavezi poštovati međunarodne sporazume u oblasti emisije štetnih plinova, posebno emisije kiselih čestica, poglavito sumpor-dioksida i azotnih oksida. A jedna od mjera koja u tom pravcu vodi je korištenje prirodnog gasa kao energenta. Tome u prilog idu i naučne činjenice da sagorijevanjem prirodnog gasa nastaju puno manje količine sumpor dioksida i azotnih oksida. Da je emisija PPM čestica prilikom sagorjevanja gasa manja za više od 100. 000 PM čestica nego recimo sagorijevanjem ugljena. Mislim da ne trebamo napominjati građane Kantona Sarajevo koliko su im važni ovi parametri u zimskom periodu i koji je zapravo stvarni interes građana da plin kao energent bude pristupačan i dostupan što većem broju građana. Naravno da gasifikacija nije jedina mjera ali je važna sa aspekta udjela zagađenja koje je rezultat korištenja drugih uglavnom čvrstih energenata. O zdravstvenim rizicima koje uslovljava zagađen zrak koji je u direktnoj vezi sa korištenjem visoko zagađujućih, uglavnom čvrstih energenata suvišno je i govoriti. Socioekonomski momenat za donošenje jedne ovakve odluke ne samo da nije povoljan nego zahtjeva stabilizaciju cijene gasa, koja mora biti utemeljena na dohodovnim mogućnostima građana. Ni stanje u privredi ne dozvoljava poigravanje sa cijenama gasa i dodatno povećanje privrede djelatnosti nepredviđenim troškovima. Na žalost ni članovi Vlade FBIH ni članovi uprave BH gasa nisu našli za shodno da jasno i nedvosmisleno obrazlože navedenu odluku. Moram istaći da je bilo teško slušati izjave kako Federalna Vlada poklanja gas građanima Kantona Sarajevo. Kako zbog građana

Kantona Sarajevo neko gubi cca 8 miliona KM i slično, što je nedopustivo ponašanje određenih osoba u javnosti i predstavlja bešćutnu drskost, što kog građana stvara dojam da je riječ o političkoj odmazdi a ne zaista opravdanoj odluci. Pitam se da li Vlada Kantona Sarajevo treba da provodi mjere reciprociteta, i zabrani prodaju uglja u Kantonu Sarajevo koju proizvode rudnici u FBiH ili da kroz legalne propise o kvalitetu, prometovanju i korištenju čvrstih energenata presjeći plasman nekvalitetnog uglja. Što nije nemoguć scenario ali nije ni pošten odnos prema rudarima, niti prema Elektroprivredi BiH. Pitam se treba li da neko upire prstom prema Vladi FBiH da ona harači građane Kantona Sarajevo da bi omogućila da BH gas provodi gasifikaciju drugih Kantona i da se produbljuje razdor među građanima, kao što to pojedinci čine neodgovornim obrazloženjima odluke. Naravno da se protivim takvom rezonovanju i pozivam Federalnu Vladu da kroz dijalog i stručan pristup donese odluku koja je pravedna i kojom uvažava interese građana Kantona Sarajevo, Vlade Kantona Sarajevo i privrede Kantona Sarajevo. Za kraj, volio bih da nam neko od nadležnih iznese i upozna nas sa (nerazumljivo) Kantona Sarajevo s posebnim osvrtom na stvarne potrebe Kantona Sarajevo za gasom kao energentom da i prema javnosti odgovornije nastupimo i pokažemo sve faktore na koje utiče poskupljenje plina. I da podrobnije spoznamo kako će se odraziti najavljeno poskupljenje gasa na započete mjere Vlade Kantona Sarajevo. Za kraj ću još samo napomenuti da će Klub DF-a podržati predložene zaključke Vlade Kantona Sarajevo.

Poslanik/zastupnik Vildana Bešlija:

hvala predsjedavajući. Evo dosta toga smo čuli već duže vremena i diskutujemo, postavljamo pitanja i na žalost kao što su i svi prethodnici i prethodnice istakli, nećemo dobiti danas odgovore na mnoga pitanja koja nas žuljaju a znamo gdje su odgovorni, a to je u principu Federalna Vlada. Također, znamo da BH gas je preduzeće koje u 16 godina svog postojanja imalo dobit 7,8 miliona, a bili su prije tri godine malte ne pred stečajem. Također smo imali priliku pojedinih zastupnika i zastupnica čuti eventualno i pitanja upućena Vladi kao u smislu dobrog neorganizovanja bolje rečeno, i kako određena preduzeća u Kantonu Sarajevo naravno posluju onako kako treba što ne možemo reći za nivo Federacije. Nepromišljene mjere koje su ovaj put upućenu i spuštene na Kanton Sarajevo veoma loše će se odraziti na život građana a tako i privrede. Ono što Vlada, znači prebacivanje tog vrućeg krompira Vladi Kanton Sarajevo je u najmanju ruku neprofesionalno. Znači ako ne idemo negdje dalje izvan granica BH, prije svega znamo da smo 2005 godine već obavezani da moramo u sklopu sa pristupanjem energetske zajednici donijeti određene zakone. RS je to uradio 2007 godine, mi to još uvijek nismo uradili. Kada malo pogledamo šta se dešava u Hrvatskoj, da ne idemo toliko daleko, već početkom ove godine u Hrvatskoj je također došlo do poskupljenja plina, odnosno najavljeno je da će doći do poskupljenja cijene i taj iznos je nekih 6,9 procenata ako se ne varam. Jako velika prašina se digla oko toga znate. A kada poredimo ovih 30% sa 6,9 je, svi

ćemo se složiti, ogromna razlika. I ti ljudi su recimo, i ta Vlada Hrvatska je pristupila na neki drugi način i imaju određene regulative i znaju i pravdaju se građanima obećavaju da neće u narednih godinu dana doći ni do kakvog poskupljenja. Mi ovdje imamo situaciju koja je dijametralno različita. Imamo nešto što sada je proizvelo, pa evo i da smo znali to dva tri mjeseca ranije, to ne mijenja činjenicu da je to došlo naprasno. Da se rade stvari stihijski, da nemamo nikakav plan, nemamo strategiju, koja se, evo opet ću reći, negativno odrazila na Kanton Sarajevo. Čak i ovaj zaključak koji je evo kolega iz Kluba SDA predložio, Mirza Čelik, za usvajanje zaključka da se fakturisana cijene prema kategorijama kupaca Sarajevo gasa održi na nivou 01.05. je vrlo populistična. Bez detaljne analize, bez detaljne strategije mi ne možemo donositi i usvajati paušalne zaključke koji možda na prvu zvuče lijepo. Možda će neko dobiti nekih par poena ali ne rješavaju ništa u sudbini ni građana ni privrede koja je jako pogođena na ovaj način. Stoga bih ja predložila da mi kao u svrhu svih ovih zaključaka koje je Vlada predložila naravno dopunimo da obavežemo i Vladu FBiH da tako revnosno kao što su mogli ovih 30% spustiti onako vrlo nonšalantno, da nonšalantno stupe pri usvajanju, odnosno vađenja Zakona koji je spreman i stoji u ladici već odavno i da ga nonšalantno usvoje i spuste da možemo imati bar određenu gornju granicu cijene formiranu, odnosno da ne možemo ići kako se kome prohtije gore dole, nego da ustabilimo te vrijednosti. Toliko.

Dopredsjedavajući Vior Handžić:

zahvaljujem predsjedavajući. Srdačno pozdravljam sve prisutne i sve one koji gledaju prenos današnje sjednice. Moram priznati da nisam nikakav ekspert za ovu tematiku ali malo sam listao ove materijale i bojim se da nigdje nisam vidio neki podatak da broj dužina, količina replika i korekcija krivih navoda niti utiče na cijenu gasa, pogotovo ne utiče na smanjenje cijene gasa. Naravno ironičan sam i volio bih da nekako potpuno ozbiljno diskutujemo o ovoj temi u skladu sa njenom ozbiljnošću. Nije bitno zaista ko trenutno Vlada u Kantonu Sarajevo. Prije ove je bila neka druga Vlada, sada je ova Vlada, sutra će biti neka druga itd. Bitne su posljedice koje ovakvi potezi ostavljaju i po budžet Kantona Sarajevo a najviše po građane Kantona Sarajevo. Ja ću nabrojati nekoliko segmenata tih stvari. Prva i najvažnija je generalno ekonomski udar na potrošače, što individualne, što privredne subjekte. O drugom segmentu je dosta govorio moj kolega Marjanović ja se zaista ne bih ponavljao. Glava zaboli kada skontate kakve su se sve stvari za ove pare za koje ćemo mi subvencionirati troškove do kraja godine, šta se moglo u budžetu planirati i uraditi do kraja godine za 8 do 10 miliona KM. Imali smo prva ili druga hitna sjednica Skupštine Kantona Sarajevo kada nismo mogli od magle naći zgradu Kantona jer se ništa ne vidi, zagađenje zraka, pa smo rekli da je jedan od najvećih problema i zagađivača individualna potrošnja odnosno individualna ložišta u Kantonu Sarajevo, pa smo rekli da je jedna od glavnih politika za prevenciju tog zagađenja subvencioniranje individualnih potrošača i prelazak sa loših materija

za loženje na plin. I sada kada je Vlada sve to isplanirala imamo potpuni udar na budžet. Znači imamo jednu kategoriju koja već primjenjuje plin kao sredstvo za loženje koje ćemo morati subvencionirati i one što smo namjeravali da prevedemo sa nekih štetnih materija na plin, morat ćemo duplo subvencionirati da ne bi izgubili i ovaj broj koji danas imamo korisnika plina. Zatim je ova Vlada učinila neke korake u sastanku sa realnim sektorom da se kroz smanjenje parafiskalnih nameta u onom omjeru koliko Kanton Sarajevo to može uraditi da se malo ta privreda rastereti kako bi to uticalo na ukupnu ekonomsku sliku i na kraju krajeva na povećavanje zapošljavanja u Kantonu Sarajevo. Pa sada ćemo tim ljudima dodatno staviti na teret to što neće plaćati parafiskalne namete, taman će platiti tu razliku koliko im je plin poskupio. Imamo plan za utopljanje objekata, kako bi se smanjila potrošnja plina od kojeg isto u ovoj povećanoj cijeni neće biti prevelike koristi jer će vjerovatno za manju potrošnju plina plaćati istu cijenu koju danas bez obzira što je zgrada utopljena što je manja potrošnja. Ili imamo ministra Garibiju koji se bavi izradom socijalnih karata a mi ćemo sada povećati u potpunosti nivo subvencija koje je potrebno izdvojiti iz budžeta Kantona Sarajevo. Tako da ćemo i dalje zadržavati trend da budžeti sve više budu socijalni a ne razvojnog karaktera. Ne mogu i ovo je zaista moj subjektivni doživljaj ove priče, ne tvrdim da sam u pravu, niti argumenti koje ja iznosim ne mogu biti aksiomalna hipoteza, ne mogu da se ne otmem dojmu da je ovo ponajviše ovaj potez političkog karaktera. Jer evo govorile su te neke kolege maloprije u diskusijama o tim nekim gubicima napravljenih gasovoda u desetima miliona KM koji se ne koriste i ne mogu da vjerujem da neko u samo par mjeseci kaže da je razumno povećanje, da taj porast razumnog povećanja ide od 3 do 5% do 30%. Ono što mene jako boli u cijeloj ovoj priči je taj odnos odozgo prema Kantonu Sarajevo koji se ne ogleda samo u ovoj tematici. Vidimo to i na primjeru KC kako se Kanton Sarajevo kao najveći potrošač ili finansijer nekih institucija ili preduzeća odozgo kažnjava zato što je najveći potrošač i finansijer i dobiva kao kontra uslugu ili povećanje cijena ili smanjenje usluga. I ono što me najviše boli u ovoj cijeloj priči i na ovom konkretnom primjeru, što vas neko vuče za uši i još vam drži predavanja i ljuti se na vas zato što vas vuče za uši. Boli me također što smo prinuđeni da se ovako mazohistički ponašamo, pa još moramo i platiti dodatno to što nas neko vuče za uši, ali se bojim da u ovom momentu ne postoji nikakav drugi institucionalni okvir za rješavanje ovog problema i samo iz tog razloga ću se složiti s brojim diskusijama kolega odavde sa današnje sjednice da ove zaključke apsolutno treba podržati. I vidim u nekim diskusijama da se ruži Vlada zato što nije za tri nego za deset dana sanira gubitke, odnosno štetu prema građanima Kantona Sarajevo. Zahvaljujem.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne. Želim prije svega da se zahvalim Vladi Kantona Sarajevo koja je sa svojim zaključcima definisala i anulira štetu odluka koje donose viši organi u ovom slučaju Vlada

FBIH. Mnogi od vas su već ukazali na stvari koje se tiču prirodnog gasa odnosa BH gasa, Energoinvesta. Ono što mi je jako bitno da je Vlada pored ovog dijela subvencioniranja u ovom periodu od 01.09. do kraja godine, planirala i jasno dala do znanja da želi da se firme koje su naše kantonalne, Sarajevo gas i Toplane rade uštede, da pokušaju izbalansirati ovu štetu koja je načinjena građanima Kantona Sarajevo. Evo s ovim zaključcima koji će danas, ja vjerujem da će Skupština i svi mi podržati da će se to do kraja godine riješiti uz određene mjere i nakon u 2020 definisati određene stvari. Ja ne bih zaista da ponavljam ove stvari koje su mnogi od vas već istakli. Smatram da je jako neozbiljno najavljivati u decembru mjesecu povećanje od 3 do 5% u januaru ga negirati skroz a u maju da dobijemo povećanje prirodnog gasa od 29%. p meni je jedino rješenje klubovi zastupnika Naše stranke i SDP su već pokrenuli inicijativu da se održi tematska sjednica Parlamenta FBIH. U ovom trenutku pored ovih mjera koje su odlične koje je Vlada Kantona Sarajevo predložila smatram da onaj ko je nadležan nad Vladom FBIH može jedini na pravi način reagovati. I ja sam u materijalima u pisanoj formi sam vam predložio uz konsultacije sa predlagačem zaključak koji je sljedeći: Da ova Skupština Kantona Sarajevo i Vlada Kantona Sarajevo poziva Parlament FBIH i Dom naroda FBIH na održavanje hitne ili vanredne sjednice i traži stavljanje van snage Odluke broj: 527/2019 od 25. aprila i davanju saglasnosti na veleprodajnu cijenu prirodnog gasa od strane Vlade FBIH. Mislim da je ovo jedini korak koji će sigurno i političke, danas smo možda malo slušali i neka politička prepucavanja političkih stranaka. Ukoliko pokažu jedinstvo i ukoliko zakažu hitnu ili vanrednu sjednicu u FBIH da se ovaj problem može vrlo brzo riješiti po pitanju svih korisnika ovih usluga. Ja zaista ne bih više osim ovog zaključka koji predlažem i nadam se da će sve političke stranke koje su u Skupštini Kanton Sarajevo ovo podržati i u Federalnom parlamentu. Eto toliko predsjedavajući.

Predsjedavajući:

zahvaljujem kolega Vreto- nema više prijavljenih. Ja ću iskoristiti priliku da diskutujem prvi put, vjerovatno ću to uraditi u ime Kluba jer imam jako puno informacija. Poskupljenje gasa dolazi nam od iste Vlade na čijem čelu je Fadil Novalić koji je apelirao na budžet Kantona Sarajevo kako bi zaustavio njegovu primjenu. To je čovjek koji je Ustavnom sudu uputio apelaciju jer nije bio sretan što neka druga Vlada donosi ovaj budžet. Pošto ja imam malo više informacija, znam u kakvim je ličnim odnosima sa ministrom Džindićem, o njihovim privatnim preduzećima u kojima imaju zajedničke spone, više tu vidim interesnu grupu nego što vidim neku strukturalnu političku priču, koje naravno ima u ovoj dimenziji, ali ovdje ima i puno onoga oko čega s eoni lako dogovore. Pa i sa direktorom BH gasa protiv kojeg je resorni ministar, ustvari sa kojim je bio u sukobu do određenog perioda. Nije to nebitno napomenuti. Ja ću ipak pokušati da se držim ovih stvari koje su vrlo egzaktno pokazuju stanje u BH gasu, pokazuju kako godinama unazad pljačkaju građane Kantona Sarajevo i kako to ovaj novi menadžment nastavlja da radi. Dakle oni su na krilima te smjene imali

jako puno informacija koje su i meni kao tadašnjem premijeru dali, o propustima u radu prethodnom menadžmenta. I mogu reći, jedno vrijeme izgledali kao da će raditi drugačije, a danas izgledaju apsolutno identično i niša nisu uradili da se to stanje popravi. BH gas je državna kompanija, osnovana da bude distributer na usluzi svojim građanima, da im isporuči gas, da unutar te cijene zarade radnici svoju platu, uračunaju amortizaciju, po neku investiciju implementiraju, ali ništa više od toga. To nije privatna banka koja bi trebala imati profit niti bi trebala prikazivati veliku dobit, a upravo je to slučaj sa BH gasom. Njihova dobit, kolega Marjanoviću, potpuno ste u pravu kreće se 2018 godine ove, u kojoj nam Salkić kaže da je stanje katastrofalno dobit im je bila samo 3.159.000 KM. Godinu ranije, 2017 zamislite kada je to najniža cijena gasa koju plaćaju građani Kantona Sarajevo, njihova dobit iznosila je 13.189.000 KM. Godinu ranije su bili u blagom minusu, ustvari u solidnom minusu od 6,7 miliona. Ali godinu prije toga 2015 poslovali su pozitivno sa 2.193.000 ali sa prihodom od 135 miliona rekordnim prihodom ikad ostvarenim u BH gasu. To je jedna firma pod političkom ili privatnom kontrolom koja dugi niz godina radi ono što su i neke naše kompanije u Kantonu Sarajevo radile. Napravila da bi njima unutra bilo dobro, da bi pljačkali ljude za koje treba da rade, sa svojim enormno visokim platama i sa svojim sumnjivim investicijama. Govorila je većina vas i pazite, ono što su mi pokušali spočitavati, očigledno ne shvativši, njihov poslovni rezultat je takav da nisu dužni ni marke Gazpromu a da su naša preduzeća njima dužna 47 miliona i da su građanima istovremeno našim Toplanama dužni oko 90 miliona. Govorit ću naravno i o propustima Toplana. Njihova marža je toliko velika da mogu podnijeti da im neko ne plati 50 miliona. Da mogu podnijeti da se neko zaigra i investira 40 miliona u neki nenormalan projekat koji očigledno nema svoju isplativost. Dakle stotinjak miliona oni ovako podnesu gubitka, ustvari smanjenja prihoda. I idalje pozitivno posluju. To vam je BH gas i oni ovih dana pokušavaju nama objasniti na neki način, dobivši ovog resornog ministra na svoju stranu, a znam zašto to Novalić radi. I za ovog ministra mi nije baš najjasnije kako ovdje mi ne radimo dobar posao sa svojim preduzećima. Povrh toga, hoću i ja da ponovim činjenicu, Sarajevo jedino plaća taj ratni dug. Ne plaća ga više niko, dakle i desi se Klirinški dug u kojem Vlada FBiH odluči i kaže nama nemojte vi, baš mi ćemo to investirati u saobraćajnicu brzu cestu Travnik – Lašva tamo negdje nek se poboljša komunikacija, mi kažemo u redu, a onda nam revizorski nalaz kaže da ni marka tog novca nije utrošena na infrastrukturu nego da su sve pojeli i popili. Da se tako izrazim. Dakle potrošili su na tekuće rashode kompletan Klirinški dug, o čemu, evo progugljajte na portala mnogo, možete pročitati kako se Vlada FBiH odnosi prema ovoj problematici. Pojeli su i popili Klirinški dug, bukvalno, dnevnice, čašćenja, plate, tako nam je Vlada pojela taj Klirinški dug. I naravno, ostao je onaj teret građanima Kantona kako sada stoji. Ja sam uradio ozbiljnu analizu ovih svih parametara u kojim se kaže ovako 2018, i pazite, ovaj menadžment, je jedan suhi budžetski menadžment koji zna da neko plaća cijenu, koji zna da mi nemamo alternativu, koji zna da mi ne možemo drugačije se grijati i ne razmišlja

o efektima da povećanje od 30% za četveročlanu porodicu u kojoj radi jedan član porodice, znači da oni samo na ime ovog povećanja u jednoj grejnoj sezoni moraju izdvojiti svoju cijelu platu ukoliko rade u onom prosjeku koji je van javne uprave, a većina ih radi. Ili će u suprotnom morati otići po neke čizme, po gume, po bilo šta drugo da ugriju svoju djecu, da skuhamo svoj ručak a da ne govorim o socijalnim kategorijama i penzionerima. I takav direktor kompanije koji se zove Jasmin Salkić, sjedne uzme olovku i kaže 30%. u Hrvatskoj 6,9, u Srbiji je 5 do 10% zavisi od kalkulacije jer su smanjivali cijenu distribucije i da bi se pokrili oni kažu: šta to vi radite dole u Kantonu. Ja ću govoriti naravno i o tome šta smo mi u Kantonu radili i koliko ove dvije firme dobro rade svoj posao, osim Toplane u segmentu naplate. To je cirkus, Toplanama 90 miliona, pitao sam jednom bivšeg direktora šta bi ste vi radili da se firma zove po vama i da je ona d.o.o. privatno vlasništvo a da vam je neko dužan 90 miliona, upadali bi u kuće ljudima, skidali slike, uzimali TV, naplatili bi kako znate i umijete. A ovako vi utužite taj dug, tamo će ga neki sud obraditi za dug od 15, 20, 50 KM penzionera. Formiranje spisa košta 70 KM, nas koji to iz istog budžeta servisiramo. To je naravno dimenzija ovog dijela Toplane, ali ne amnestira nikoga od pitanja zašto ste vi formirani, šta vi radite, za koga vi radite, i koga predstavljate. Dakle vrlo su egzaktni pokazatelji. U 2018 dolazi do povećanja cijene sirove nafte, značajnog povećanja. Dolazi do povećanja i cijene gasa ali je kurs dolara manji, godinu ranije su mnogo manji parametri i cijene sirove nafte i cijene gasa uz nešto malo veći kurs dolara. Danas ova 2019 i ova 2017 u kojoj su bili megapozitivni nema nikakve matematike da je to 30%. da je trebalo doći do nekog povećanja jeste. Ali 30%, pazite trebalo je doći ako Federalna Vlada i BH gas nije bio spreman da kaže, nećemo tu svoju veliku dobit ove godine, nego ćemo malo ljudima pomoći da prežive pa ćemo mi kasnije kada se spusti cijena gasa ponovo ostvarivati neku dobit. Naravno da nisu, jer oni nemaju taj ni ljudski, ni građanski ni narodni pristup, nego imaju taj stranačko postavljeni pristup. Da on unutra kaže ja sam imao neku akumuliranu dobit, podsjećam u 2017 preko 13 miliona sa istim ovim čovjekom koji se zove Jasmin Salkić. Pojasnio sam da mi ne oduzima vrijeme ovaj cirkus koji su pokušali reći da Sarajevo gas i Toplane nisu korigovali cijene. Dakle danas je stanje u ove dvije firme takvo da nema nikakvih posebnih dobiti. Njihovi se kapitalni investicije finansiraju dominantno iz budžeta jer je to naše opredjeljenje a služe građanima da onoliko koliko košta cijena gasa građani plate. I naravno, aplauz ovoj Vladi, premijeru koji danas nije ovdje da pokupi slavu, nego će to uraditi drugi ministri. On je danas otišao na put u Kinu, i molio me je, moram to reći da ne bude danas sjednica, on je htio biti na sjednici, nismo mi dali, zbog vremena i zbog okolnosti i zbog nužnosti da se ovo desi. Mi smo na tom Kolegiju odlučili da će biti 10. a ovaj put je bio vrlo značajan. Eto moram to prenijeti, čovjek je želio da ostane, mi mu nismo dali da ostane, nek se slika drugi put, danas će se slikati ovi ministri koji su tu. Ta fama kako oni ugovaraju, ko predstavlja Energoinvest, BH gas, mene su pozvali da idem. Vrlo rado bih išao na ta putovanja sa njima u kojima se dogovara neka cijena i podsjetio ih na ono što su

oni izjavljivali. Vidite, u decembru mjesecu Salkić izjavljuje da ne znam zašto se ministar Džindić čudi jer je ta velika dobit na koju je ministar Džindić ukazivao planirana i on je na nju dao saglasnost. Dakle on nas obavještava da je planirana velika dobit u BH gasu a onda nam amnezijom vođen nekom, mjesec dva nakon toga kaže, ne znam o čemu se radi, mi plaćamo mjesečno vama subvenciju od 8 miliona KM. Dakle, ne postoji argument osim sile i bahatosti viših nivoa vlasti da se izživljavaju nad građanima Kantona Sarajevo, ali hvala dragom Bogu pa nisu u prilici. Nismo mi posegnuli za ovim novcem od socijalnih davanja od boraca nego od prihoda zato što je ovo rebalans koji će imati povećanje prihoda. Istina je da smo mogli neke kapitalne projekte, ali imamo i kapitalne projekte. I ovaj novac ćemo naći tamo od ovih lopova koji ne plaćaju ni Rad, ni Sarajevo gas, ni VIK. I kod njih ćemo otići po te pare. Ovo je jednostavan pristup. Mi ćemo samo uraditi dobro svoj posao da ne dođu danas da nam ne odgovore ni na jedno pitanje. Možda imaju neki odgovor ali evo pored ovoga svega ovo smo sve dobili od ljudi koji su debelo i duboko u struci. Nema tu ništa izmišljeno. Sve su ovo ljudi koji se ovim poslom bave. I te su nam informacije davali. Nemam zaista potrebu, ja govorim i o menadžmentu kog sam ja tamo zatekao. Nije ova struktura vlasti. Oni su bili katastrofa sa 135 miliona u godini dana, a imate dobit od 2 miliona dakle duplo više uzmete. I godinama prije toga i pljačkate Kanton Sarajevo ja sam to govorio godinama. Pljačkaju Kanton Sarajevo koji jedini izmiruje i uredno izmiruje svoje obaveze. Jer vi ne možete kao korisnik Sarajevo gasa biti dužni pet dana odmah ide plomba. U Toplanama je malo teže naplatiti ali nije toliko teško da 90 miliona se ne može naplatiti. Pa nam kaže menadžment pa eto znate možda realno pola možemo. Ođete u Tuzlu vidite kako je tamo čovjek koji se zove Aid Berbić, napravio način naplate u Toplanama. Samo neko ode tamo i kaže boga ti šta si ti to uradio. Gđje god krenete sačeka vas čovjek koji kaže izvolite vaš račun, hvala lijepo, doviđenja prijatno. Naplati taj novac. Ne lakše je ovdje posegnuti za budžetom. Daj bit će neka vlast u kojoj su. A pazite, moja politička iskustva sada tu ima politike, najveći kapitalci politički sjedili su u ovim ustanovama. U ovom lobiju gasnom, bili su mnogo utjecajniji i od svojih ministara i premijera i diktirali su iz tog drugog ešalona politiku koja se tiče gasa u Kantonu Sarajevo. Bez ikakve socijalne osjetljivosti, bahato, bez da taj segment ili problem zagađenja u Kantonu Sarajevo. 6000 korisnika smo mi izgubili ovakvim odnosom prethodnog menadžmenta BH gasa koji nas je ubijao godinama i pljačkao do te mjere da može podnijeti 100 miliona svog minusa. Dakle od ljudi. 4.500 smo uspjeli vratiti na mrežu. Skoro sve smo ih uspjeli vratiti na mrežu a onda dođe novi menadžment i kaže 30% vam je sada povećanje. Dakle nekako tu ekonomsku stranu možda mogu shvatiti ovu socijalnu, i ti ljudi ovdje žive i dišu taj zrak. Doduše znam da imaju nekretnine na planinama pa možda malo lakše podnose taj pritisak od onih koji nemaju nekretnine na planinama tokom zime. Ali bez grama socijalne osjetljivosti, bez grama zato što naravno ovdje nije premijer taj koji može otići u tu centralu i reći stanite ljudi napraviti ćete problem ovoj Vladi. Nemojte zato što je to politika. Dakle brutalni su,

neosjetljivi su. Potpuno neargumentirano povećaju ovu cijenu. Sve ovo drugo što mi objašnjavamo bitno je, ali ovo su egzaktni pokazatelji Srbije, Hrvatske, gasnog tržišta. Pogledate dijagrame koji govore od 2014 na ovamo, da vidite kakve su cijene gasa. Pazite u ovoj godini smo se mi vratili na najnižu cijenu u ovih pet mjeseci. Svi su trendovi pada svih parametara i oni će takvi sigurno ostati ali tamo neki menadžer ili ekonomista nije sjeo da kaže ko da vodi neku radnju svoju, biznis plan pa prati kretanje tržišta, ima naravno uspone i padove, ali ima neku srednju vrijednost. Ali u ovim dijagramima stoje sve srednje vrijednosti ovih energenata i kursa dolara i cijene nafte i cijene ruskog gasa. Ruski gas nikada nije bio jeftiniji nego u mjesecu aprilu. 4 zarez nešto dolara. Dolar nešto malo veći ali skoro isti kao one 17 kada su oni imali taj svoj profit. Dakle ne postoji ni jedna riječ osim bahatosti, bezobrazluka, sramota nek bude Federalnu Vladu, sramota nek bude direktora posebno Salkića, koji živi u ovom gradu, zna kako ljudi ovdje žive i dišu. I nije smio danas doći, nego će opet iz nekog svog skrovišta napisati neko saopštenje koje ako ga zaguglate suprotno svemu što je do sada govorio. Dakle neko novo saopštenje na saopštenje i sreća hvala dragom Bogu pa smo mi u prilici svi zajedno, ne sumnjam da će iko bit protiv ovakvih zaključaka, da kažemo ljudima ne bojte se i ne brinite. Ove ćete se zime, a sigurno i u nastavku godine iako budžetski je nemoguće obavezati Vladu, dakle tu procjenu budžeta možemo napraviti a onda nam se može desiti krah u septembru da u nekoj makroekonomskoj procjeni oni kažu prepolovljen je budžet ili ne bi čudilo da nam ova bahata Vlada kaže e sada ćete nam ukinuti ponder 2 jer vi niste Vlada SDA. E to ja očekujem da znate. Samo da znaju. Sve ono što mi radimo, a finansiramo federalne firme, finansiramo i HUM i Mjedenicu i u zdravstvu finansiramo firme odavde, sve njihove firme budžetskim parama Kantona. I nek boga mi budu spremni da ćemo se mi ozbiljno braniti od njihovih ataka u kojima pokušavaju kazniti građane Kantona, jer su sebi izabrali drugačiju kompoziciju vlasti. A personalno sram ih bilo sve, i Novalića i Džindića, a posebno ovog Salkića koji nemaju gram kompetencija da vodi ovu firmu. Pet sekundi prije. Zahvaljujem se.

Ima li još diskusija, ako nema? v.d. premijerka Lejla Brčić zatražila je riječ pa da kaže nekoliko rečenica prije glasanja o zaključcima. Hvala.

Ministrica Lejla Brčić:

dobar dan, lijepo pozdrav svima ovdje i svima koji nas prate danas. Moislom da je ovo možda i jedna od najznačajnijih sjednica Skupštine koju održavamo, i u ime Vlade zaista hvala na vrlo kvalitetnim diskusijama. Razlog zbog kojeg sam se ispred Vlade javila je čisto par nekih informacija koje su danas spomenute a nisu do kraja iskomunicirane. Potpuno opravdana je kritika zastupnika Marića je da smo iznijeli pred vas dokument koji ne sadrži tekstualno možda dovoljno informacija. Međutim mislim da smo mi od početka našeg mandata pokazali da smo Vlada koja je spremna da se nosi s kritikama, da radije razmišlja o suštini nego o formi. Zašto? Imali smo rok od deset dana da riješimo problem da

predložimo mjere kako da ublažimo posljedice udara na građane Kantona Sarajevo koje je odluke koje je donijela Federalna Vlada. U tih deset dana mi smo iskoristili da detaljno izanaliziramo radije smo se odlučili da se bavimo matematikom, da se bavimo proračunima, da se bavimo igranjem šaha, i razmišljanjem šta koja odluka može značiti. Nego da stavljamo tomove ili da pišemo nekakve eseje da vam prezentujemo a vrlo smo spremni bili ovdje da prezentujemo i odgovorimo na sva pitanja. Zastupnik Marić je možda rekao danas i ključnu istinu ovdje, ovo što radimo saniramo novcem građana i to se ne smije prikazivati slavodobitno i to je zaista istina. Danas je u više navrata spomenuta izjava, ja nisam sigurna ko je da li je to izjavio direktor BH gasa ili federalni ministar, ali mi je zaparala uši ta izjava u jednom momentu da su oni građanima dali 8 miliona. Ko je to odakle građanima dao koje novce? Upravljamo svi mi ovdje upravljamo novcima građana. Zadatak ove Vlade je bio da ocijeni šta je trenutni prioritet građana u njihovom budžetu. Jednako kao što kući mi raspoložemo svi sa svojim budžetima pa definišemo šta nam je to u kojem mjesecu prioritet. U ovom momentu smo ocijenili da je prioritet da se ne smije dozvoliti poskupljenje od 30%. i to ne bi samo poskupljenje grijanja to bi bilo poskupljenje kompletnih troškova života. Imali smo vrlo burne diskusije na Vladi. Razmišljali smo u jednom momentu potpuno menadžerski je li bolje da te novce koje ćemo uložiti kao subvenciju za sve građane da ih investiramo negdje. Jednog momenta smo čak i bili na pragu takve odluke. A onda se desio Bajram. I svako od nas je pojedinačno komunicirao sa svima onima sa kojima smo se vidjeli, sa članovima naših porodica, sa prijateljima, sa komšijama, sa svima s kojima smo se družili tokom bajramskih praznika. Nakon toga smo se vratili, u srijedu smo imali drugi dan Bajrama smo imali neformalnu sjednicu Vlade na kojoj smo ponovo razgovarali šta nam je činiti i došli smo do zaključka da jednostavno ne smijemo biti otuđeni od građana. To je ono što vrlo često problem politika, otuđenost od građana i donošenja odluka. Sve i da je ova odluka ispravna, sve i da je utemeljena na potpuno objektivnim kriterijima ovakva odluka se ne smije i ne može ova donositi ako vodite računa o građanima. Evo spominjao je neko primjer Hrvatske. Ne možete danas reći od sutra vam je poskupljenje 30%. ne računajući odakle, šta bi to praktično značilo. Oni koji se griju na plin prešli bi na druga loživa pa bi imali još veće zagađenje zraka, oni koji su korisnici Toplana dobar dio njih bi prestao da plaća. Iz prostog razloga što ne bi imali odakle da plaćaju. U kojoj bi situaciji onda bili. Našu kompaniju bi doveli u još veće probleme. Danas je bila idealna prilika da se kažu sve i svačije istine. Oni koji se danas nisu pojavili, očito nisu spremni za to. Očito nemaju istine koje bi ovdje iznijeli prema nama. Mnogo lakše je izaći sa jednostranim saopštenjem nego doći ovdje pogledati se u oči, ne sa nama kao predstavnicima Vlade, nego sa vama kao predstavnicima građana. Pa iskomunicirati da mi nismo u pravu, da mi pričamo gluposti. A očito da ne pričamo gluposti jer neko danas nije imao hrabrosti niti argumenata da dođe i da to kaže. Postavljeno je pitanje da se u januaru desio sastanak na kojem je spomenuto da će biti poskupljenja. Tačno je da je bio sastanak u januaru i tačno

je da je iskomunicirano da se može očekivati poskupljenje od 3 do 5 %. nikako 30%. postavljeno je jedno od pitanja danas je bilo št ase dešava nakon 01. januara? Naravno da razmišljamo i o tome ali evo predsjedavajući to i spomenuo. Prvo ne može se formalno danas o tome govoriti, drugo postoji informacija u zadnjih desetak dana da dolazi do pada cijena nafte. Očekujemo refleksiju toga i na cijenu gasa naravno. Ali jednako tako o čemu mi razmišljamo, možda sve to niste mogli iščitati iz ovog našeg, naravno da trebamo voditi računa i kako iz unutrašnjih rezervi da crpimo. Imamo situaciju u Toplanama da imaju 82 miliona nenaplaćenih potraživanja. Njihova projekcija je da 50% neće biti ni naplaćeno. Evo da uzmemo tu projekciju kao validnu. Ali 41 milion je ogroman potencijal iz kojeg se aktivnim modelima naplate mogu crpiti sredstva koja će umanjiti posljedice od 01. januara 2020 godine. Naravno da taj trošak nećemo prebacivati. U jednom momentu smo razmišljali da idemo sa subvencijama samo prema korisnicima socijalnih davanja. Međutim mi imamo ogroman broj penzionera sa 370 KM koji nisu korisnici socijalnih davanja. Ja nisam mišljenja da oni mogu podnijeti ovaj trošak. Ni oni sa 1000 KM penzije a ne oni sa 370 KM. Polazna osnova u ovakvim obračunima treba biti potrošačka korpa ili ćemo gurati građane prema ivici gladi i siromaštva. A ne mislim da je ikome nama ovdje to cilj. Zašto sam izašla ovdje? Izašla sam da vam kažem da smo mnogo dublje razmišljali i projicirali moguće scenarije na ovu temu nego što je danas možda bila prilika da se kroz jedan dokument prikaže. Razumijemo da se ova sjednica morala desiti ovako brzo, ogroman pritisak građana je i na nas same bio. Svakodnevno smo dobijali upite i putem društvenih mreža i putem poziva na sve moguće načine. I ono što je meni drago, što sada iščitavam kroz komentare građana nakon što je javnost već iskomunicirana ova odluka je upravo pohvala da se ovakva odluka dešava sada. A da se ne dešava mjesec dana pred početak grejne sezone. Ono što vam želim reći je da ova Vlada ne završava priču sa pitanjem poskupljena gasa danas. Mi danas tek počinjemo tu priču. Formirat ćemo ekspertne grupe, razmišljamo o alternativnim modelima. Pretpostavljam ovih dana je to postalo aktuelno kao da su čuli naša razmišljanja, priča se poprilično treš tu keš, pretpostavljam da ste čuli. O formiranju fabrika koje, time se dvostruko rješava problem, rješavate problem otpada, proizvodite električnu energiju. Ako to može raditi jedna Norveška, ako to može raditi jedna Švedska, ako to može raditi Ljubljana koja je tu nadomak nas, zašto i mi ne bi iskoristili mogućnost pa uložili, investirali sredstva i razmišljali o takvim modalitetima. Tako da želim da znate da aktivno radimo na ovom pitanju, da vjerujete svi vi pojedinačno neovisno o tome kojoj političkoj strukturi pripadali kao predstavnici građana da vjerujete da ćemo sistemski u kontinuitetu nuditi rješenja ne samo po ovom pitanju nego po svim pitanjima koje pred nas predstavljaju i postavljaju posebno viši nivoi vlasti i ovo jeste zaista osveta građanima Kantona Sarajevo. Ne pitanje Vlade, ne pitanje šestorke, nego istinska osveta građanima Kantona Sarajevo i isporučivanje loših poslovnih odluka i nezakonitih poslovnih odluka viših nivoa vlasti građanima Kantona Sarajevo na naplatu. Hvala vam.

Predsjedavajući:

zahvaljujem. Idemo se izjašnjavati o zaključcima. Kolega Vreto vaš zaključak za izjašnjavanje, kolega Čelik i zaključci Vlade.

Možemo li se prvo izjasniti o Zaključcima Vlade Kantona Sarajevo? Naš bi zaključak trebao glasiti Skupština Kantona Sarajevo prihvata prijedlog Zaključka dostavljen od strane Vlade Kantona Sarajevo u cilju prevazilaženja posljedica poskupljenja cijene prirodnog gasa. Molim zastupnike da se izjasne.

Molim rezultate glasanja. ZA 30, PROTIV I SUZDRŽANIH NIŠTA.

KONSTATUJEM DA JE SKUPŠTINA USVOJILA OVAJ ZAKLJUČAK.

I zaista se od srca zahvaljujem svim kolega koji su učestvovali u raspravi i glasanju.

Drugi, kolega Čelik molim vas da imamo ovdje razumijevanja za budžet. Potpuno se slažemo sa vama, intencija vam je dobra, ali zbog Zakona budžeta i planiranja nemoguće je glasati o zaključku koji nema projekciju prihoda i rashoda za narednu godinu. Sve ćemo učiniti svi zajedno, evo i vi ste i mi smo, danas nismo bili čini mi se uopšte razjedinjeni da se ne desi to od januara pa vas molim zbog budžeta da od ovog zaključka odustanete ako je moguće. Kolega Čelik.

Poslanik/zastupnik Mirza Čelik:

zahvaljujem predsjedavajući. Pa evo već smo usvojili zaključak, mislim da će biti zaključak moj suvišan ali dobro bi bilo da čujemo ministra i da bude sastavni dio stenograma da će se voditi računa o ovoj kategoriji ljudi od 01. januara te da će biti na identičan način obračunati isporuka gasa sa zaključkom broj 1 koji je Vlada predložila i za grejnu sezonu. To bi bilo sasvim pristojno i dovoljno da čuju i građani evo i zastupnici, i ako to kažemo ja ću povući svoj prijedlog zaključka.

Predsjedavajući:

Zahvaljujem kolega. Evo ministar je tu, mislim da je dijelom i rekao. Evo dobro je nek zbog stenograma kaže.

Ministar Srđan Mandić:

evo vrlo kratko. Prvo ovo je iz tehničkih razloga do 31.12. niko nije lud da od 01.01.-2020 stvari vraća na početak. Pratit ćemo situaciju imamo vremena. U skladu sa kretanjima cijena na svjetskom tržištu vidjet ćemo da li će, evo kažem neke naznake govore da će ono ići prema niže pa svima će nam biti lakše. Do kraja godine će Ministarstvo izraditi registar ljudi koji su u stanju socijalne potrebe, vidjet ćemo na osnovu toga koja je to cifra. Uglavnom evo, mogu ispred Vlade reći, da će se ovo što tražite, dakle da će subvencioniranje, ako

ništa bar onih najugroženijih kategorija odnosno one koje utvrdimo biti nastavljeno i biti uvršteno i u Budžet za 2020 godinu. Je li dovoljno to? Hvala.

Predsjedavajući:

hvala kolega Čelik na razumijevanju. Zaključak kolege Elvisa Vrete: Skupština Kantona Sarajevo i Vlada Kantona Sarajevo poziva Parlament FBIH i Dom naroda FBIH na održavanje hitne ili vanredne sjednice i traži stavljanje van snage odluke broj kao u materijalima od 25. aprila o davanju saglasnosti na veleprodajnu cijenu prirodnog gasa od strane Vlade FBIH, objavljenu u Službenim novinama 17.05.2019 godine sa primjenom cijene od 01. maja 2019 godine.

Kolega Čampara ima intervenciju izvolite.

Poslanik/zastupnik Aljoša Čampara:

zahvaljujem. Mislim da je došlo do tehničke greške u ovom zaključku. Dakle Skupština Kantona Sarajevo i Vlada Kantona Sarajevo poziva, možemo ostaviti smao ili Parlament FBIH, ili poziva Predstavnički dom Parlamenta FBIH i Dom naroda. Jer ova kategorija ne postoji ovako Parlament FBIH. Dakle u Ustavu ne postoji. Samo da se tehnički ispravi.

Predsjedavajući:

potpuno ispravno. Hvala kolega Čampara za korekciju. Uz ovu korekciju kolege Čampare molim vas da se izjasnite o zaključku.

Molim rezultate glasanja.

ZA JE GLASALO 22, PROTIV NIJE BILO, SUZDRŽAN 7.

KONSTATUJEM DA JE SKUPŠTINA USVOJILA I OVAJ ZAKLJUČAK.

Konstatujem da smo iscrpili dnevni red današnje sjednice. Zahvaljujem se i Vladi i zastupnicima na vrlo korektnim diskusijama.

Ima li pitanja?

Otvaram raspravu.

Ukoliko se (više) niko ne javlja za riječ, zaključujem raspravu.

KONSTATUJEM DA SMO INFORMACIJU PRIMILI K ZNANJU.

- 0 -

ALTERNATIVA UKOLIKO BUDE PREDLOŽENIH ZAKLJUČAKA

Ukoliko se (više) niko ne javlja za riječ, zaključujem raspravu i predlažem da se Skupština izjasni o sljedećim zaključcima.

1. _____

MOLIM ZASTUPNIKE DA PRISTUPE IZJAŠNJAVANJU O
PREDLOŽENIM ZAKLJUČCIMA.

ZA JE GLASALO _____ ZASTUPNIKA, PROTIV _____ I SUZDRŽANO _____.

KONSTATUJEM DA JE SKUPŠTINA DONIJELA / NIJE DONIJELA OVE
ZAKLJUČKE.

- 0 -

Obzirom da smo iscrpili sve tačke Dnevnog reda današnje sjednice zaključujem rad na 4. Hitnoj sjednici i zahvaljujem se poslanicima.